

Igaragaza Ry'

Ibihe Birindwi By'itorero

Igice Cya Karindwi

Igisekuru Cy'itorero Ry'I Sarudi

Ibyahishuwe 3 : 1-6 :

Wandikire marayika w'itorero ry'i Sarudi uti: "Ufite imyuka irindwi y'Imana n'inyenyeri ndwi aravuga aya magambo ati: 'Nzi imirimo yawe nuko ufite izina ry'uko uraho, nyamara ukaba uri intumbi. Jya uba maso ukomeze ibisigaye bigiye gupfa, kuko nabonye ko ari nta mirimo mwakoze itunganye rwose imbere y'Imana yange. Nuko ibuka ibyo wakiriye n'ibyo wumvise, ubyitondere kandi wihane, ariko rero nutaba maso nzaza nk'umujura, na we ntuzamenya igihe nzagutungurira. Icyakora ufite amazina make y'ab'i Sarudi batanduje imyenda yabo. Ni bo bazagendana nange bambaye imyenda yera kuko babikwiriye.'

Unesha ni we uzambikwa imyenda yera, kandi sinzahanagura izina rye na hato mu gitabo cy'ubugingo ahubwo nzaturira izina rye imbere ya Data n'imbere y'Abamarayika be.

Ufite amatwi niyumve ibyo Umwuka abwira amatorero."

SARUDI

Sarudi wari umurwa mukuru wa Lidiya ya kera. Inyura mu biganza by'abami b'Abanyalidiya, ikajya mu by'Abaperesi, hanyuma ikajya mu by'Ighiangange Alexandre. Ighiangange Antiochos anyaga ibyari biwurimo. Hanyuma, ubuyobozu bw'ubo murwa bujya mu biganza by'abami b'i Perugamo, hanyuma ujya mu by'Abaroma. Mu gihe cya Tibere, Sarudi isenywa n'imitingito y'isi n'indwara z'ibyorezo. Uyu munsi, aho yari iri, hasigaye gusa ari ahantu h'amatongo, ntihagituwe.

Hari igihe, uwo murwa wari umurwa w'ubucuruzi ukomeye cyane. Pline atubwira ko aho ariho bavumbuye ubugenzi bwo kuzinga ubudodo bwavaga mu bwoya, n'ububoshyi bw'amatapi. Muri ako gace habaga zahabu nziza n'ifeza, kandi bavuga ko aho ari ho hakorewe ibiceri bya mbere bikozwe muri zahabu. Wahasangaga na none isoko ry'abacakara.

Idini y'uwo murwa yari umuhango wanduye wo kuramya ikigirwamanakazi cya Sibebe. Na n'ubu ushobora kubona ibirundo by'ibisigazwa by'ingoro yacyo.

Muraza kwibuka ko navuze, mu gisekuru cya Perugamo, ku byerekeye igitekerezo cyakomotse i Babuloni cy'umwana w'umuhungu na nyina, bazwi ku mazina ya Semiramis na Ninus, ari bo bari barahindutse Sibebe na Deoios muri Aziya. Bigaragazwa, kimwe kiri iruhande rw'ikindi, ibyo bakeshaga abo bantu bombi uko ari babiri ku buryo bw'umwihariko birabihishura:

Umwana yari imana y'izuba; nyina, yari ikigirwamanakazi cy'ukwezi.

Umwana yari umwami w'Ijuru; nyina, yari umwamikazi w'Ijuru.

Umwana, yari utanga umutima mwiza n'ukuri; nyina, akaba utanga ubugwaneza n'imbabazi.

Umwana, yari umuhuza; nyina, akaba umuhuzakazi

Umwana yari afite urufungozo rukingura rukanakinga imiryango y'isi itagaragara; nyina yari afite urufungozo nk'urwo rufite ububasha nk'ubw' urwa mbere.

Umwana yari umucamanza w'abapfuye; nyina yari ahagaze iruhande rwe.

Umwana amaze kwicwa, arazuka maze akazamurwa mu Ijuru; nyina ayoborwayo n'umwana yambaye umubiri.

Nyamara, i Roma, baha icyo kigirwamana umwanya w'icyubahiro ufitwe n'Umwami wacu: akitwa Umwana w'Imana, mu gihe nyina yitwa nyina w'Imana.

Rwose ibi ni byo twabonye mu bisekuru bibiri byabanje, aho igitekerezo cya "umwana na nyina" gifata intera ingana ityo. Ariko nimurebe noneho ko, kubera ko muri Babuloni ya kera, umuhango wo kuramya umwana ugenda usa n'uzimira bakawusimbuza uwo kuramya nyina; ku bw'ibyo, ni ko twavuga atangira gufata umwanya w'umwana. Turabona ko muri icyo gisekuru umuhango wo kuramya wa gipagani w'i Sarudi wari umuhango wo kuramya umugore. Yari Sibebe wenyine, atari Sibebe na Deoios. Mu by'ukuri nyina yafashe umwanya w'umwana, ahabwa ikuzo ry'Ubumana. Birahagije gurondora amazina y'icyubahiro anyuranye ahabwa icyo kigirwamanakazi, no kwibuka ishusho y'ikuzo Mariya ahabwa na kiliziya y'i Roma kugira ngo dusobanukirwe aho idini yo muri icyo gisekuru yaturutse.

Ibuntu bibiri byankozeho ku buryo bukomeye igihe nize ku buryo burambuye kurushaho uwo muhango wo kuramya Sibebe. Kimwe ni icy'uko, kubera ko, yari afite urufunguzo, ibyo byamuhaga ububasha bumwe n'ubwa Yanusi (Janus) (urufunguzo rw'Ijuru, n'isi, n'urw'ubwiru); ikindi ni uko abamuramyaga bibabazaga kugeza aho bavuye amaraso, rwose nk'uko abagatolika babikora uyu munsi, baba bifuza kuba babazwa nk'Umwami.

Ku bw'uko iki gisekuru ari cyo kibamo ugucana umubano na Roma y'ubupapa kwa mbere, kukaba kwarafashe intera ikomeye, nta gushidikanya ni ko kwahaye imbaraga Yezebeli, umuhanuzikazi, yo gushimangira no guhesha agaciro inyigisho ye yo kuramya Mariya. Ku bw'ibyo barwanyaga abaporotesitanti bivuye inyuma, bahakanaga uruhare urwo ari rwo rwose rwa Mariya mu mugambi w'Agakiza, usibye ubuntu Imana yari yaramugiriye bwo kuba umwari watoranijwe kugira ngo atwite inda y'uwo Mwana. Igihe Luteri yagaragazaga inyigisho yo gutsindishirizwa ku bw'ubuntu, abagatolika bahagarara ku mirimo, kuri penetensiya, ku masengesho n'ubundi buryo budahura n'Ibyanditswe. Kandi, mu gihe abakristo babohowe babaga baha ikuzo Umwana, abagatolika b'i Roma, batsimbarara ku nyigisho yabo yo kuramya Mariya nk'Imana kugeza mu kinyejana cya makumyabiri turimo (kandi ibi byarwanywaga n'igice kinini cy'abahanga mu by'iyobokamana b'Abaroma bo mu nzego zo hejuru) Papa Piyo wa XII rwose azamura Mariya akamushyiraru kugira ngo ahabwe ikuzo mu mubiri wazutse. Iyi nyigisho ihura ku buryo budasubirwaho n'iyi Babuloni, aho tubona Umwana ayobora nyina mu Ijuru yambaye umubiri.

Nta gitangaje ko iki gisekuru cya gatanu gikurikira inzira isa n'iy'ibindi bisekuru, kandi gikomeza kubikora kugeza ku iherezo ryacyo, mu Nyanja yaka umuriro n'amazuku aho maraya n'abana be bazarimbukira mu rupfu rwa kabiri. Ngibyo: ukuramya Mariya ni ugusenga Sibebe. Na none, mwari muzi ko Sibebe yari Ashitoreti uwo Yezebeli yari abereye umuyobozi w'imihango, akaba ari na we uba intandaro yo kugwa kwa Isirayeli bitewe n'imigenzo y'urukozasoni yategekaga ko ikorwa? Ni byo, ni cyo yari cyo muri Bibiliya.

IGISEKURU

Igisekuru cya Sarudi, cyangwa igisekuru cya gatanu k'itorero, cyatangiye mu wa 1520 kugeza mu wa 1750. Ni cyo bita ubusanzwe igisekuru cy'ubugorozi.

NTUMWA

Intumwa y'iki gisekuru irazwi neza kurusha izindi ntumwa z'ibisekuru binyuranye. Ni Maritini Luteri. Martin Luther. Martin Luther yari intiti y'umunyabwenge yari umuntu usabana na bose. Ubwo yigaga ibijyanye n'amategeko, uburwayi bw'igihe kirekire n'urupfu rw'inshuti ye y'amagara byatumye atekereza bihagije ku buzima bwe bw'Umwuka. Ynjira mu kigo cy'abihaye Imana cy'aba : « Augustins d'Erfurt » mu 1505. Ahiga ubumenyi mu bya filozofiya ndetse n'Ijambo ry'Imana.

Arwanya za penetensiya zisaba kwibabaza bikabije, ariko ibyo bikorwa byose by'inyuma ntibyabasha guhagarika agatima ko gukora icyaha. Aravuga ati : « Ndibabaza byo gupfa kugira ngo ngirane amahoro n'Imana, ariko nari ndi mu mwijima, kandi sinyabona na hato. » Umuyobozi mukuru w'idini wari umukuriye, Staupitz, amufasha kumva ko agakiza ke kagombaga kuba ari ikintu kimubaho cy'umurimo ukorewe muri we imbere, aho kuba umuhango. Ku bw'ibyo agira umwete, agakomeza gushaka Imana. Hanyuma aza guhabwa ubupadiri. Nyamara, yari ataragakizwa.

Atangira kwiga byimbitse, kandi afite inyota nyinshi, Ijambo n'imirimo yari iriho ikomeye ya gitewolojiya, kandi afite umuhate mwinshi. Aba umwigisha ukomeye n'umuvugabutumwa wifuzwaga na bose kubera ko ubumenyi bwe bwabaga bwimbitse no guhamanya n'umutima kwe gukomeye. Kugira ngo asohoze isezerano yari yarasezeranye, ajya i Roma. Aho ni ho yasobanukiwe muri we ko imirimo isabwa na Kiliziya ari imfabusa, itekerezwa ko ari yo izana agakiza, mu gihe, Ijambo ry'Imana rivuga riti : "Umukiranutsi azabeshwaho no kwizera" rihibo rimukora ku mutima.

Atashye ageze iwe, ukuri kw'inkuru nziza y'ibyo Byanditswe gusaba ibitekerezo bye; icyo gihe abaturwa ku cyaha kandi ku bwo kubyarwa ubwa kabiri ynjira mu bwami bw'Imana. Nyuma y'aho gato, azamurwa mu ntera agirwa umwigisha uhanitse muri tewolojiya kandi ahabwa inshingano "yo kwegurira imibereho ye yose kwiga Ibyanditswe byera, no kubisobanura ku buryo bwo kwizerwa ndetse no kubihagararaho abishyigikira". Icyakora, na none ni uko umutima we n'umutima w'abari bari kumwe na we biziritse ku kuri kw'Ijambo. Bidatinze, ikibazo kivuka hagati y'Ijambo n'nyigisho zahimbwe n'abantu n'nyigisho zirengera ukuri zigishwaga na Kiliziya.

Ku bw'ibyo, igihe Leon X abaye Papa, maze Jean Tetzl agatangira kugurisha indurugensiya ku bw'impongano y'icyaha, Luther abura andi mahitamo usibye guhaguruka akarwanya iyo nyigisho yari ihabanye n'Ibyanditswe. Mbere na mbere ayirwanya yivuye inyuma ahagaze ku ruhimbi, nyuma yandika inyandiko ye itazibagirana, ingingo zayo z'ibirego zari 95, ayimanika ku muryango wa kiliziya ya «château» ku itariki ya 31 Ukwakira 1517.

Mu gihe gito, umuriro w'ibyo ukwira Ubudage bwose ku bw'Ubugorozi. Ariko ntitwibagirwe ko Martin

Luther atari we wenyine wari wahakanye arwanya Kilizya Gatolika y'i Roma. Hari hari n'abandi bensi. Bamwe bari barahakanye ububasha bw'abapapa bari barihaye uwabobo mu by'umwuka kandi budahoraho. Kandi n'abapapa bamwe uwabobo bagira ibyo bahindura bike, ku buryo bw'agateganyo. Ni byo, abandi bensi bari barahagurukije impaka, ariko ku byerekeye Luther, igahe cyateganijwe n'Imana cyari kigeze kugira ngo habeho impinduka nyakuri, Itorero rihereye kuri yo ryajyaga kuzagenda rigarurwa kugeza ku gusukwa k'Umwuka Wera nyuma y'igihe kirekire nyuma y'aho.

Nyamara, Martin Luther we ubwe yari Umukristo utihanganira ikibi icyo ari cyo cyose, wuzuye Umwuka. Yari umugabo by'ukuri uhagaze ku Ijambo, atari uko yaryigaga ku buryo bwimbitse arishyizeho umutima, ahubwo ashira umutima we wose ku gutuma rigera kuri bose, kugira ngo bose babashe kubeshwaho na ryo. Ahindura Isezerano Rishya, kandi ariha rubanda. Akora we ubwe uwo murimo ukomeye, akosora icyanditswe kimwe kugeza ku nshuro makumyabiri. Akoranya itsinda ry'abahanga mu rurimi rw'igiheburayo rifatanya na we, bamwe muri bo bari Abayuda, akanahindura n'Isezerano rya Kera.

Uwo murimo ukomeye w'indashyikirwa wa Luther ukomeza kuba ishingiro ry'uguhindura Bibiliya kose kwakurikiyeho mu Budage kugeza ubu.

Yari umubwirizabutumwa ukomeye akaba n'umwigisha ukomeye w'Ijambo. Agashyigikira mu mbaraga, cyane cyane mu myaka ye ya mbere yo kwamamara kwe, yuko Ijambo ari ryo rigomba kuba ikintu cyo gushingiraho kimwe rukumbi. Ku buryo atemeraga imirimo nk'uburyo bugeza umuntu ku gakiza, n'umubatizo nk'uburyo bwo kubyarwa ubwa kabiri. Akgisha ko Kristo ari we muhuza umwe rukumbi, - agahakana umuhuza uwo ari we wese w'umuntu— ari byo bihura neza neza n'igitekerezo cya mbere cy'umwimerere cyo kuri Pantekote. Yari umuntu wasengaga cyane, kandi yari yaramenye ko uko akazi kagenda kaba kenshi, ari ko yagendaga abura igahe, kandi byagendaga birushaho kumusaba guharira Imana igahe mu masengesho, kugira ngo agere ku musaruro ushimishije. Yari azi kurwana na Satani icyo ari cyo; bavuga ko umunsi umwe, Satani yamwiyeretse imbona nkubone: ayitera akantu kajyamo wino, arayicyaha ngo igenda. Ikindi gihe, inkunda rubyino ebyiri ziza aho ari zifite umugambi wo kumukangurira kwifatanya na bo kugira ngo bahagarike abapadiri na za Bibiliya. Atahura umwuka wabakoreshaga, maze abirukanira kure.

Mu mateka ye (igitabo cya 3, ku rupapuro rwa 406, [mu cyongereza - uhindura.]), Sauer avuga ko Dr Martin Luther yari : "umuhanuzi, umuvugabutumwa, akavuga mu ndimi, akazisobanura, umuntu umwe ufite impano ikenda z'Umwuka".

Igitera umutima we umunezero ku bw'Umwuka Wera, kandi gituma habaho umumere muto bisobanura ko itorero ryari ritangiye kongera gutahura ukuri nk'uko bari bakuzi kuri Pantekote, kiba inyigisho yo gutsindishirizwa: agakiza kaboneka ku bw'ubuntu, bidafite aho bihuriye n'imirimo. Nzi neza ko Dr Martin Luther atizeraga gusa ugutsindishirizwa kandi ko atagarukiraga aho gusa ngo abe ari ko abwiriza konyine; ahubwo yari yo ngingo ye nyamukuru, kandi nta kundi byari kugenda kuko ari inyigisho shingiro y'ukuri ku Ijambo. Igihe cyose azahora afatwa nk'igikoresho ari cyo, kiri mu biganza by'Imana, kikaba cyarongeye guha ubugingo uko kuri. Aba intumwa ya gatanu, kandi ubutumwa bwe bwari ubu: "UMUKIRANUTSI AZABESHWaho NO KWIZERA." Ni byo rwose, tuzi neza ko yari azi kandi yigishaga ku buryo butunganye ko tugomba gukurira mu kwizera. Ugusobanukirwa kwe gutangaje k'ubwigenge bw'Imana, k'ugutoranywa, ko kumenywa mbere yo gushyirwaho kw'imfatiro z'isi, n'ukundi kuri na none, tumufata nk'umuntu ukomeye mu Ijambo; kandi nyamara, kimwe n'abahanga mu by'amateka, ndabisubiramo nti: Imana Imukoresha kugira ngo Igaragarize abantu igitekerezo k'Imana ku byerekeye imirimo- "umukiranutsi azabeshwaho no kwizera."

Nyamara, nk'uko namaze kubigaragaza, abahanga mu by'amateka bafata iki gisekuru nk'Igihe cy'Ubugorozi. Rwose ni iby'ukuri. Rwose ni ko cyari kimeze. Ni ko biri nta gushidikanya, kuko Martin Luther yari umugorozi, ntiyari umuhanuzi. Nzi neza ko ibitabo by'abahanga mu by'amateka bimoha urwego rw'umuhanuzi, ariko ibyo ntibisobanuye ko ibyo bitabo by'amateka bifite ukuri; ku bw'ibyo, nta hantu na hamwe tubona ko Martin Luther yaba yujuje ibyangombwa bisabwa kugira ngo abe ari umuhanuzi nyakuri w'Imana, mu burebure bwose bw'igisobanuro Ibyanditswe biha iryo jambo. Yari umwigisha ukomeye, akagira mu mibereho ye ukwigaragaza kumwe na kumwe k'Umwuka, kandi duha Imana icyubahiro ku bw'ibyo. Kandi ntibimushobokera kongera kugarura Itorero mu kuri kose, nk'uko umuntu nk'intumwa Pawulo yajyaga kubikora, icya rimwe wari intumwa akaba n'umuhanuzi.

Nyuma yaho, tubona impinduka ikomeye mu buryo kuyobora ibintu yari arimo bamushyizemo. Bigitangira, byari uguha ikaze gusa buri wese, umurava n'ukwihangana, igahe cyose akishyira mu biganza by'Imana kugira ngo akemure ibibazo bye. Ariko hanyuma, abantu uruhuri bateranira munsi y'ibendera rye. Umugambi wabo atari uw'iby'umwuka gusa, ahubwo bari basunitswe n'impamvu za Politiki. Bifuzaga guca ingoyi y'umutwaro papa yabikorezaga. Ubona hatangiye kaboneka abantu bari aho b'inkundarubyino. Ntibyatine Luther akururirwa mu bintu bya Politiki, aho ahabwa umwanya wo gufata ibyemezo; ibyo byose mu by'ukuri ntaho byari bihuriye n'Itorero, usibye gusa ku bw'amasengesho ye, ku bw'ikibwirizwa no ku bw'emyitwarire ye, byajyaga gushobora gutanga urugero rwo gukurikizwa. Ibyo bibazo bya politiki bigera ku rwego aho yisanga ari mu mwanya mubi wo kutihanganirwa wo kuba

umuhuza hagati ya rubanda rwa giseseka na bashebuja. Aca imanza nabi ku buryo imyivumbagatanyo ibaho, icyo gihe abantu ibihumbi n'ibihumbi by'abantu baricwa. Imigambi ye yari myiza, ariko igihe yemeye kongera kwivuruguta mu Butumwa Bwiza buvanga Itorero na Leta, agomba gusarura serwakira.

Nyamara nubwo bimeze bityo, Imana Ikoresha Martin Luther. Ntituribumurege ko yaba yaragine imigambi bibi. Ahubwo tuvuge gusa ko uburyo bwe bwo guca imanza butabaye bwiza. Mu by'ukuri, iyaba Abaluteriyani bashoboraga kugaruka ku nyigisho ye, maze bagakorera Imana nk'uko uwo mwene Data mukundwa ayikorera, icyo gihe abo bantu baba bakora ku bw'icyubahiro n'ikuzo ry'Imana ikomeye n'umukiza, Yesu Kristo.

INDAMUTSO

Ibyahishuwe 3:1 :

"Ufite imyuka irindwi y'Imana n'inyenyeri ndwi aravuga aya magambo."

Byongeye kandi, nk'uko bimeze mu bisekuru bine byabanje, Umwuka aduhishurira Umwami wacu w'imbabazi, akatumenyesha kugira neza kwe gutangaje. Ubu bwo, mu gihe ahagaze hagati mu Itorero, turamubona nk'ufite imyuka irindwi y'Imana n'inyenyeri ndwi.

Tuzi izo nyenyeri ndwi abo ari bo; icyo dusigaje ni ukugaragaza imyuka irindwi.

Dusanga imvugo nk'iyo inshuro enye mu Byahishuwe. Ibyahishuwe1:4:"

...biva no ku myuka irindwi iri imbere y'intebe yayo".

Ibyahishuwe 3:1:

"Ufite imyuka irindwi aravuga aya magambo"

Ibyahishuwe 4:5:

"Kuri ya ntebe y'ubwami haturukaga imirabyo n'amajwi no guhinda kw'inkuba, kandi amatabaza arindwi yaka umuriro yamurikaga imbere y'iyo ntebe. Ayo matabaza ni yo myuka irindwi y'Imana."

Ibyahishuwe 5.6:

"Nuko mbona hagati ya ya ntebe na bya bizima bine no hagati ya ba bakuru, umwana w'intama uhagaze usa n'uwaitambwe, ufite amahembe arindwi n'amaso arindwi ari yo myuka irindwi y'Imana itumwa kujya mu isi yose."

Mbere na mbere, tuzi neza tudashidikanya ko iyi mirongo itatwigisha inyigisho nshya inyuranye na Yohana 4:24a: "Imana ni Umwuka UMWE (rukumbi)." Ahubwo ibi bijya gusa no mu 1 Abakorinto12:8-11, ahavugwa umwuka UMWE RUKUMBI wigaragaza mu buryo IKENDA butandukanye. Ku buryo tuzi ko insobanuro y'imyuka irindwi y'Imana, ari uko hariho uwo Mwuka umwe wigaragaza mu buryo burindwi butandukanye. Nyamara, mu Byahishuwe 4:5 iyo myuka irindwi yitwa amatabaza yaka umuriro amurikira imbere y'Imana. Nk'uko Yohana atigeze na rimwe akoresha ibindi bimenyetso mu Byahishuwe bitakoreshejwe n'abo mu Isezerano rya Kera, turareba mu Isezerano rya Kera, kandi dusanga ko mu migani 20:27: "*umwuka w'umuntu ari itabaza ry'uwiteka*" [insobanuro ya Darby]. Iyo imyuka irindwi rero ifite aho ihuriyeho n'umuntu. Muri Yohana 5.35 Yohana Umubatiza yiswe "*urumuri rwaka*" [insobanuro ya Bibiliya y'icyongereza yitiriwe umwami James. - Uhindura], kandi insobanuro nyayo, mu by'ukuri, ni "*itabaza ryaka*". Mu Byahishuwe 5:6 imyuka irindwi na none igaragazwa nk'amaso arindwi.

Muri Zekariya 4:10:

"Mbese hari uwahinyura imishinga? Kandi bazanezerwa babonye timazi mu ntoki za Zerubaber: kandi ibyo birindwi ni byo maso y'Uwiteka acuragana mu isi yose."

Rwose mu bigaragara, iyo "**ba**" aha iravuga abantu. Ku bw'ibyo, icyo gihe, turabona ko amaso y'Uwiteka ari abantu - abantu basizwe, kandi buzuye Umwuka Wera, ni byo rwose nta gushidikanya, kuko ubukozi bw'Imana budashobora gusohozwa n'imbaraga z'umuntu, ahubwo gusa ni ku bw'imbaraga y'Umwuka Wera. Dushyize hamwe ibyo twatahuye mu Byanditswe, biragaragara ko "imyuka irindwi y'Imana" ifitanye isano n'ubukozi bw' Umwuka Wera umwe ukomeza agakorera mu mibereho y'abantu barindwi Imana yigaragarizamo ku buryo budashidikanywaho. Ni bo maso yayo, kandi ni yo matabaza yayo. Tubona ku buryo bworoshye abo bantu abo baribo ni muri ubu buryo tubagaragazamo bukurikira, buvuga ko ari bo nyenyeri ndwi, kandi twamaze kumenya neza ko izo nyenyeri ndwi ari zo ntumwa ndwi z'ibisekuru birindwi by'itorero. Mbega ukuntu ari byiza. Murabona, inyenyeri yaremewe kugaragaza umucyo nijoro, kuko izuba riba ryarenze ritakiboneka. Ni kimwe, n'intumwa (igaragazwa n'inyenyeri) ya buri gisekuru yagombaga kugaragaza umucyo w'Umwana. Ni cyo bose bakoze bakoreshejwe n'Umwaka Wera.

Pawulo yabaye intumwa ya mbere; yavuze mu Bagalatiya 1:8 ko ni yo yaba ari marayika, intumwa, igisonga gikuru, cyangwa se uwo ari we wese, wabwiriza ubundi butumwa butari ubwo Pawulo yabwirizaga, avumwe. Pawulo yari azi ko nyuma yo kugenda kwe, amasega aryana azaduka. Yari azi ko Satani ubwe ashobora kwiyoberanya akigaragaza nka marayika w'umucyo— mbega uburyo abagaragu be barushaho gukora ibyo. Ku buryo adusaba rwose kubyitondera atwihanangiriza, atubwira ko ubu butumwa bwakagombye kuguma uko buri nta gihinduwaho. Nyamara Pawulo yabatizaga mu Izina rya Yesu, kandi yarongeraga akabatiza ababaga baribijwe ku bundi buryo. Yashyize gahunda mu Itorero kandi yigishije uburyo bukwiriye bwo gukoresha impano z'Umwuka; yahamije ko izo mpano zajyaga kuzaguma mu Itorero kuzageza ku Kugaruka kwa Yesu. Rero, intumwa esheshatu zikurikiyeho, zikoreshejwe n'Umwuka umwe, zajyaga kuzaka umuriro umwe, bajyaga kuzakwiza hose umucyo umwe w'Ubutumwa bwiza bwa Yesu Kristo, kandi ibimenyetso byajyaga kuzagendana na bo. Irene yari umuntu wujuje ibyo? Yego. Martin? Yego. Mbese Colombia? Yego. Martin Luther? Ku buryo budasubirwaho. Wesley? Yego mugenzi, ubukozi bwe bwari buhebuje; ndetse yanasengeye indogobe ye ngo ikire, kandi yarumviswe arasubizwa. Ibyo ni ko biri. Ibihe birindwi by'Itorero, n'intumwa ndwi zisa; kandi Pawulo yatuye umuvumo k'uwari we wese wakwiyyita intumwa, ariko akaba yabwiriza ubundi butumwa, kandi akaba mu wundi mucyo.

Nyamara, ibyo maze kuvuga bihuye neza neza n'igice gisigaye k'Ijambo ryose? Ni byo. Handitswe mu Ijambo ko uwari we wese wajyaga kuzongera cyangwa akagabanya icyo ari cyo cyose kuri iki gitabo, Imana yajyaga kuzamuhanisha ibyago kandi akagibwaho n'urubanza. Imana yaravuze iti:

"Nzamwongerera ibyago byanditse muri iki gitabo, cyangwa nzamukura ku mugabane wa cya gitu cy'ubugingo."

Ibyahishuwe 22.18.

Ku bw'ibyo, turabona ko: "imyuka irindwi" ishingiye ku Mwuka umwe rukumbi w'Imana, igasohoza ubushake bw'Imana mu bisekuru binyuranye. Nifuzaga kugaragarisha ibyo nifashishije ingero nkuye mu Ijambo. Umwuka w'Imana wari uri Eliya mu mbaraga. Hanyuma, uwo mwuka waje kuri Elisa, mu migabane ibiri. Hanyuma, ibinyejana byinshi nyuma y'aho, uwo Mwuka- ari wo twita Umwuka wa Eliya, ku bwo kugaragaza ubukozi bwawo - warongeye uramanuka, icyo gihe uza kuri Yohana umubatiza. Umunsi umwe, uwo Mwuka, tumenya ku bw'ibiranga ubukozi bwawo uzamanuka ku muntu ku bwo gusoza igihe k'Itorero ry'abanyamahanga.

Ibyanditswe na none bivuga ko Imana yasize Yesu w'i Nazareti Umwuka Wera n'imbaraga, kandi ko yagendaga, agira neza, kandi agakiza abantu bose babaga batwajwe igitugu na Satani. Mu kugenda, Yesu yabwiye abigishwa Be gutegereza bakageza kuri Pantekote, kandi ko icyo gihe, uwo Mwuka wari uri kuri We yajyaga kugaruka, akamanuka kuri bo, kandi bajyaga kuwuzuzwa. Ku bw'ibyo iryo tsinda rya "abahamagariwe gusohoka" (Itorero) ryajyaga kujya mu kigwi ke ku isi, rikajya mu mwanya We. Kandi, kubera ko uwo Mwuka wari uri muri We ari wo wajyaga kuzaba muri bo, bajyaga kuzakora imirimo nk'ije. Na none, abari mu Mubiri wa Yesu Kristo by'ukuri (Itorero nyakuri) bazagaragaza imirimo imwe n'iya Yesu, n'iy'Itorero ryo kuri Pantekote, kubera ko uwo Mwuka uzaba uri muri bo. Irindi torero iryo ari ryo ryose ridafite Umwuka n'uko kwigaragaza rizagomba kubibazwa n'Imana.

Na none havugwa ko izo nyenyeri ndwi, cyangwa se izo ntumwa ndwi z'ibisekuru birindwi, ziri mu kiganza Ke. Arazifashe. Aho muhita mwumva ko niba azifashe mu kiganza Ke, azihuza n'imbaraga Ye. Ni cyo ikiganza gisobanura. Kigaragaza imbaraga y'Imana, n'ubutware bw'Imana! Nta n'umwe muri bo waje ku bw' imbaraga ze cyangwa se ku bw'ubushobozi bwe. Ibyo ni byo Pawulo yavuze ati: "Nta muntu wajyaga kubitinyuka. Bisaba ububasha bw'Imana n'imbaraga y'Umwuka Wera. Ubutumwa bwiza bwabwirijwe ku bw'ubutware bw'Imana, no ku bw'imbaraga y'Umwuka. Abo bantu bose bari buzuye imbaraga y'Umwuka Wera. Bose bahanganye n'isi barayinesha; barabishoboye, kuko muri bo bari buzuye Imana. Bari BARATUMWE n'Imana, NTA BWO ari ku bwabo cyangwa se ku bw'abandi bantu.

Ku bw'ibyo, bari bafite icyo ab'isi batashoboraga kubona. Yesu yavuze ko, igihe yajyaga kugenda, yajyaga kuzohereza Umwuka We, uwo ab'isi batashoboraga guhabwa. Ni iby'ukuri. Ab'isi, cyangwa se abari mu mikorere y'iyi si, ntibashoboraga kwakira Yesu. Icyo ni cyo amadini ari cyo: ni imikorere y'iyi si. Nyereka Itorero rimwe ryahindutse idini rigakurikiza imikorere y'iyi si rikaba ryuzuye Umwuka Wera. Ndasaba ko mwarinyereka. Nimubasha kunyereka Itorero nk'iryo, mwaba mwaratahuye ikosa mu Ijambo. Oya mugenzi. Nta n'umwe muri izo ntumwa wigewe agira idini. Baba barashiyizwe hanze, cyangwa baritandukaniye ubwabo, babaga bahamanya n'umutima wabo ko idini ryari icyaha. Ni gute Umwuka Wera yabasha kuba mu idini, kandi amadini ari yo afata umwanya w'Umwuka, na none ko ayo madini afata uw'Ijambo? Nimwibuke: idini rihwanye na "URUPFU". Nta kundi byagenda. Igihe isi iyoboye, Umwuka arigendera.

Ni byo, Umwuka nta bwo ari imyuka irindwi, ahubwo ni Umwuka UMWE RUKUMBI. Azahora ibihe byose ari wa wundi, kandi ibihe byose azakomeza gukora ku buryo bumwe. Kandi izo ntumwa ndwi zizaba zifite Umwuka umwe, zizigisha Ijambo rimwe, kandi zizaba zifite imbaraga imwe. Kandi niba itorero ari itorero

ry'ukuri, rizagira uwo Mwuka, Ijambo rimwe, ukwigaragaza kumwe kw'Imbaraga yari iri mu Itorero rya mbere ryo kuri Pantekote. Rizagira imibereho nk'iy'itorero ryo kuri Pantekote; hazaboneka kuvuga mu ndimi, kuzisobanura, ubuhanazi no gukiza indwara. Imana izaba iri hagati muri ryo, Imana izigaragariza hagati muri ryo, nk'uko yahoze ibikora. Haleluya! Kandi NTA BWO rizaba idini. Ibyo ntimubyibagirwe.

Rero turabona ko Yesu Kristo agenda yihishura mu bisekuru akoresheje Umwuka we mu Ntumwa. Aba bameze nk'icyo Mose yari ari cyo kubana b'Isirayeli. Nk'uko yari yarahawe uguhishurirwa ko mu gihe ke, ni kimwe nuko buri ntumwa yahawe uguhishurirwa ndetse n'ubukozi mu gihe cyayo bwite.

Ku bw'ibyo, igihe tubonye ko intumwa ziri mu kiganza Ke, tubona Umwami yigaragariza muri abo bantu kandi akabambika imbaraga Ye. Nta bwo bihagije kuba yarihuje n'itorero ryose, nk'uko twamubonye igihe Yagaragaraga, ahagaze hagati y'ibitereko cy'amatabaza birindwi bya zahabu. Ndetsse n'ubukozi butanu buvugwa mu Befeso 4 (intumwa, umuhanazi, umwigisha, umuvugabutumwa, umwungeri) ntiyari ihagije. Noneho, muri buri gisekuru, itorero rica ku ruhande; kandi si abayoboke gusa, ahubwo n'abakuru b'idini, abashumba barayobye kimwe n'intama. Nuko rero Imana ikora umurimo wayo nk'umushumba w'ikirenga, inyuriye mu murimo wa ba bantu barindwi, kugira ngo igarure ubwoko bwayo mu kuri no mu mbaraga zisaze z'uko kuri.

Imana iri hagati mu bwoko bwayo, muri buri wese mu bwoko Bwe, kuko uwo ari we wese udafite Umwuka wa Kristo si uwe. Kandi We ni Jambo. Noneho rikwiye kuba ari Ijambo rimenywa muri ubwo bwoko. Arikoyashyize ubutware bw'umwihariko muri abo bantu yitoranirije We ubwe, bijyanye n'inama z'ubushake Bwe bwite. Hagiye habaho umwe muri buri gisekuru. Uwo Mwuka yari ari muri buri wese muri bo. Turi kure cyane y'ibinyoma bya Roma, aho bitorera abantu, umwe umwe nk'uko babishaka, kandi akaba nta n'umwe muri bo ugaragaraho imbaraga y'Imana, nta n'umwe muri bo uhagaze mu Ijambo ry'Imana, buri wese atandukanye n'uwanubanjirije kandi akongera agakora, nk'uko abyifusa, nkaho we ari Imana ubwayo. Imana nta bwo iri muri ibyo byose. Arikoya iba iri mu ntumwa yayo, kandi uwumva yifuza kwakira ukuzura kw'Imana azakurikira intumwa, nk'uko intumwa na yo ikurikira Umwami mu Ijambo Rye.

Ufite imyuka irindwi y'Imana n'inyenyeri ndwi"

(Ibyahishuwe 3:1.)

Nk'uko uwo Mwami yigaragarije umuntu ku bwo kwambara umubiri, akongera na none kwigaragariza umuntu ku bw'Umwuka utuye mu muntu. "Ni abange", ni ko umwami Imana ivuga. Izo ntumwa ndwi zuzuye Umwuka ni iz'Umwami. Bashobora kuzanga. Bashobora kuzishidikanyaho. Ku bw'ibyo, bashobora ndetse - uko abantu babibona - kuba badafite ibisabwa bihagije; uko biri kose ni intumwa z'ibisekuru byabo. Imana yakoresheje Aburahamu (yarabeshye), yakoresheje Mose (yagize uburakari), Yona (yarasuzuguye), Samusoni (yaracumuye), Dawidi (yarishe). Na none yakoresheje Yosuwa ikoresha na Yozefu. Kandi abakoze amakosa akomeye ni bo bensi kurusha abagenze ku buryo butunganye. BOSE BARI ABAYO, KANDI BOSE NI ABAYO. Nta muntu n'umwe wagerageza kubihakana. Yabakoresheje ikoreshheje Umwuka Wera yashyize muri bo. Baba baguye cyangwa se bahagaze, ibyo byamenywaga na Shebuja. Kandi muri bo hasohoreyemo ubushake bw'Imana yigengaho. Gusa nahoh amateka azwi na bensi agerageza kuvuguruza ibyo, nta cyo byahindura. Uwiteka Imana ibihe byose agenda hagati y'ibitereko by'amatabaza birindwi bya zahabu, kandi akoresheje Umwuka We, yohereza intumwa Ze zitwaje intwaro y'Ijambo ku bantu ba buri gisekuru.

ICYO BAGAWA

Ibyahishuwe 3:1:

"Nzi imirimo yawe. Nzi ko ufite izina ry'uko uraho nyamara ukaba uri intumbi [insobanura ya Bibiliya y'icyongereza yitiriwe umwami James]"

Ibyahishuwe 3:2:

"Kuko nabonye ko ari nta mirimo mwakoze itunganye rwose imbere y'Imana yange"

Ngicyo ikintu mu by'ukuri gikomeye gitangaje. Muri buri gisekuru, kugeza ubu, Umwuka yatangiye ashima abizera by'ukuri, hanyuma yarwanyije umuzabibu w'ikinyoma. Arikoyaki gihe, ntibaha agaciro Umwami n'Ijambo Rye hamwe no kutabyitaho no kubisuzugura ku buryo ubutumwa bwose uko bwakabayebubwirwa iki gisekuru cya gatanu usanga bugizwe gusa n'amagambo y'urubanza.

"Nzi imirimo yawe."

Ni iyihemirimo yari izwi n'Umwami kandi itaramushimishaga? Rwose, muzi ko buri gisekuru cyagendaga kikagera mu kindi gisekuru gikurikiyeho, ku buryo imirimo yo mu gisekuru cya kane yakomezaga ikagera mu gisekuru cya gatanu. Nk'uko mubizi neza iyo mirimo, yari iyi ikurikira:

- a. Kuba barasimbuje ukuyoborwa n'Umwuka Wera inzego z'abakuru za kimuntu.

b. Kuba bararetse Ijambo ritavangiye ryavuye ku Mana no kugera ku byiza byaryo kuri buri wese ku buntu, bakarisimbuza inyigisho zahimbwe n'abantu, amahame, amategeko y'idini, n'ibindi.

c. Kuba bararetse gusenga mu Mwuka, Impano z'Umwuka ndetse n'ibindi bijyanye no kujya ku ifuguro ryera nyakuri kw'abera, bakabisimbuza umuhango wo kuramya wahimbwe n'abantu no gusenga ibigirwamana, iminsi mikuru ya gipagani, n'ibindi.

d. Kuba barahaye umwanya ukomeye ukuramya Mariya mu materaniro ya gikristu, ku buryo Mariya yari yarazamuwe mu ntera agera ku rwego rw'Ubumana. Kandi Umwana yari yaracishijwe bugufi akurwa mu mwanya We w'Ikuzo uri hejuru ya byose, kugeza ubwo uwo mwanya uhawe umuntu bita Papa, ari we wiyataga ubwe uhagarariye Kristo.

Abarwanyije bivuye inyuma iri torero rya Antikristo bakarimburwa. Abariyobotse bakaba ibikoresho by'itorero, abami cyo kimwe n'aboroheje. Ubugingo bwabo ntibwari bukiri ubwabo, nta nubwo bwari bukiri ubwa Kristo, imibiru yabo, ubugingo n'umwuka byari ibya Kiriziya y'i Roma. Bavugaga iby'Amaraso ya Kristo, kandi nyamara biguriraga agakiza kabo amafaranga, kandi baguraga imbabazi z'ibyaha byabo ku kiguzi cya zahabu, cyangwa bagahabwa penetensiya zo kwibabaza. Abakire kurusha abandi muri bo babona imibereho ikomeye ihuje n'irari ryabo igihe Papa Lewo wa cumi agurisha indurugensiya (imponganu y'icyaha) ku bw'ibyaha bitaragakorwa: ku bw'ibyo bashoboraga guteganya ibikorwa byabo bibi ndetse bakanabishyira mu bikorwa, umutimanama wabo utuje, kuko babaga bazi ko Papa yamaze kubarira ibyaha byabo. Ko Ijambo ry'Imana ritabageragaho, ni nde wajyaga kubasha kumenya ukuri? Kubera ko ukuri kuzanwa gusa n'Ijambo, abantu bari bafungiwe mu nzu y'imbohe y'itorero ya Kiriziya y'i Roma, bategereje urupfu, kandi nyuma y'urupfu, hakaza urubanza. Ariko Maraya ukomeye, wasinze amaraso y'abahowe Imana, araje adandabirana kandi azabiranyijwe n'umujinya yica abantu mu buryo bw'Umwuka n'ubw'umubiri, atitaye na busa ku rubanza azacirwa.

Nyamara, ku mpera y'igisekuru cya kane, ari na cyo ntangiriro y'igisekuru cya gatanu, ifatwa ry'umugi wa Constantinople ufatwa n'Abaturukiya bituma abahaha b'intiti b'Iburasirazuba bahunga berekeye Iburengerazuba abo bajana inyandiko zabo z'Ikgiriki. Ijambo mu kwera kwaryo kose, ndetse n'inyigisho y'abizera nyakuri, ku bw'ibyo birakwirakwizwa. Atari uko gusa abo bahanga b'intyoza b'abigisha bagira uruhare rukomeye rwabo, ahubwo ikindi kintu gikomeye kiyongeraho ni: uguhimbwa kw'icyahindutse icapiro ryacu ry'ubu. Ubwo buvumbuzi bw'icyo gihe bworosha icapwa ry'ibitabo, ari byo biziba icyuho ku mubare munini w'abazisabaga, bafite inyota ikomeye yo kumenya Bibiliya.

Imana ihagurutsa abantu benshi bakomeye, kandi Luther yari umwe muri bo. Abandi babiri muri ayo matabaza akomeye bari Calvin na Zwingli; kandi habayeho n'abandi, batamenyekanye. Nubwo bimeze bityo, nubwo ibi byose bitariho ku bw'ubusa, abo bantu ahubwo bari bashinzwe umurimo w'Imana. Mu ruhande rumwe, NTA BWO BARWANYAGA ukuba umwe kw'itorero na Leta, kwemejwe muri Konsile nkuru y'i Nicee; ahubwo barabishyigikiraga.

Bemeraga ko Leta ifite uruhare rwo kurengera Ubutumwa bwiza, nubwo utabasha gushyigikira ibyo ushingiye ku Ijambo. Kandi, nubwo twabasha kubona "umujinya w'umuntu uhimbaza Imana", urugero ni igihe Henri VIII ashyigikira Ubugorozi agatesha agaciro ubutware bw'ubupapa, na none bari bakiri kure rwose y'ukuri kwa Pantekote no kurindwa n'Imana ishobora byose.

Nubwo inyigisho ye yakomezaga kurwanya ukwivanga mu itorero ry'akarere guturutse hanze, Luther ntiyashoboye kubohora ibitekerezo by'abantu ku gitekerezo cy'ubutegetsi bw'inzezo z'ubuyobozi mu itorero, baba abepisikopi, abarikipisikopi, n'abandi. Ku bw'ibyo, itorero ritera intambwe rigana mu kerekezo kiza, ariko ntirica iminyururu, ku buryo ryisanze bidatinze mu nzu y'imbohe ari yo ryari ryaragerageje kwikuramo rihunga.

Nyamara, igikombe k'imirimo yo gukiraniwa cyari kitaruzura. Nta bwo gusa ari ukubona ibintu kudakwiye Luteri gutuma habaho imishyamirano kugatuma habaho urupfu rw'imbaga y'abantu, ahubwo na none abari bashyigikiye Zwingili batoteza umukiranutsi Dr Hubmeyer, baragenda bakagera naho bamushyirisha mu nzu y'imbohe, kandi nubwo atari bo ubwabo bamushyira ku ikome yatwikiweho, mu by'ukuri bagira uruhare runini mu rupfu rwe rwo kwicwa n'umuriro. Calvin ubwe yabikoze kenshi, kuko asaba ugufatwa kwa Servet, wari warasobanukiwe kandi akgisha ubumwe bw'Ubumana. Nuko Leta ijyana uwo mwene Data mu rubanza, maze imwohereza gutwikwa mu muriro w'ikome - byagizwemo uruhare na Calvin.

Niba harigeze kubaho igihe cyaranzwe n'umuhati wa kidini, rwose ni icyo gihe kibabaje. Amagambo ya Comenius rwose agaragara icyo gihe. Comenius yandika "IKINTU K'INGIRAKAMARO KIMWE". Agereranya isi n'inyubako ifite impuzo nyinshi, iyo ushabora kubona aho usohokera ari uko uretse ibidafite umumaro, kandi ugahitamo ikintu kimwe k'ingenzi: Kristo. Yavuze ko umubare munini w'abigisha, ari yo ntandaro y'ibice byinshi, ari byo bituma bidatinze hazaba hatakiri amazina ahagije.

Buri dini ryifata nkaho ari ryo ry'ukuri, cyangwa rwose ugasanga ryitwara nk'igice gitunganye kurusha ibindi, cyo kwizerwa kurusha ibindi, kandi ugasanga atotezanya ubwayo afite urwango rukomeye. Nta

bwiyunge namba bwari bwizewe hagati yayo: mu bushyamirane, asubiza ko abashyamiranye badateze kwiyunga. Bahereye kuri Bibiliya bihibimbiro inyigisho zabo, zituma bakomera kandi bakagira ibihome bibakingira, bikabafasha kwitandukanya no guhangana n'ikibarwanya cyose. Sindi buvuge ko ari uko kwatura k'ukwizera - kuko dushobora kwemera ko ari uko akenshi aba ameze muri yo ubwayo, nyamara ahinduka atyo, ku buryo akongeza umuriro w'urwango. Ni mu kwitandukanya gusa burundu byabasha gushoboka ko wagira uruhare mu gukiza ibikomere by'itorero. Hari undi uri muri iyo nyubako y'impuzo nyinshi y'ibice n'ukwemera kunyuranye: urukundo rwo kutavuga rumwe [...] ni iki bitanga? Ese higeze habaho kutavuga rumwe hagati y'abahanga b'intiti ngo bisoze bigeze ku mwanzuro mwiza? Nta na rimwe. Umubare wabo gusa ukomeza kwiyongera.

Satani ni we muhanga mu bumenyi kurusha abandi; nta bwo ari ku bwo kuvuga neza usobanura amagambo uzamunesha [...] mu murimo w'Imana, bumva kurushaho amagambo y'abantu kurusha Ijambo ry'Imana. Buri wese avuga cyane uko ashata, agatakaza igithe ke mu byo avuga by'ubuhanga cyangwa agashyira imbaraga ze zose mu gusensa ibyo undi avuga. Ntibavuga na rimwe ibyerekeye ukubyarwa ubwa kabiri, ngo bavuge uburyo umuntu agomba guhinduka kugira ngo ase na Kristo, kugira ngo ahinduke umuntu ufatanya na kamere y'Imana (II Petero 1:4). Biturutse k'ububasha itorero ryari ryahawwe ryifashishiye imfunguzo, risigaranye gusa izo kubohora, kuko ryatakaje ubushobozi bwo kuboha [...] twahawe amasakaramentu nk'ikimenyetso kigaragaza ubumwe, cy'urukundo n'ubuzima bwacu muri Kristo: ibyo babigize urwitwazo rw'inzangano zikomeye, impamvu y'urwango hagati yabo, ihuriro ry'ukwirema ibice [...] muri make, Ubukristo bwahindutse inyubako y'impuzo nyinshi.

Bagabanyije ukwizera mo uduce duto ibihumbi n'ibihumbi, kandi iyo mwanze kamwe muri two, mufatwa nk'uwayobye [...] ni iki kigomba gukorwa? Ikintu kimwe cya ngombwa: ni ukugaruka kuri Kristo; guhangha amaso Kristo nk'umuyobozi umwe rukumbi, no kugendera mu nkora y'intambwe ze, mukazibukira izindi nzira zose, kugeza ubwo twese tugereye ku ntego, kandi tukagera k'ubumwe bwo kwizera (Abefeso 4.13). Nk'uko Databuja uri mu Ijuru yubatse byose ashingiye ku rufatiro rw'ibyanditswe, uko ni ko twakagombye kuzibukira ibantu byose by'umwihariko bigaragaza ukwemera kwacu kunyuranye, maze tukanyurwa n'Ijambo ry'Imana rihihuwe. Dufashe Bibiliya mu kiganza, twakagombye gutera hejuru duhamya tuti: "Nizera ibyo Imana yahishuye muri iki gitabo, nzakurikiza amategeko ye mu mwuka wo kumvira, nshyize ibyiringiro byange mu masezerano ye. Abakristu, nimwumve! Hariho ubugingo bumwe gusa, ariko urupfu rutugeraho runyuze mu nzira igihumbi rwiyoberanije. Hariho gusa Kristo Umwe rukumbi, ariko bantikristo bo ni igihumbi [...]" Urabizi rero, yoo! Ubukristo, uburyo ari cyo kintu k'ingenzi. Ni uguhindukira Kristo cyangwa ukajya kurimbuka nka Antikristo. Niba uzi ubwenge, kandi ukaba ushaka kubaho, kurikira Shobuja utanga Ubugingo.

Ariko mwebwe, Abakristo, mwishime munevezwe no kuba mwarashyizwe hejuru [...] nimwumve amagambo ya Shobuja uri mu Ijuru uvuga ati: 'Nimuze munsange.' [...] nimusubize icyarimwe mu ijwi rimwe, muti: 'Yego. Turaje.'

Maze kuvuga ko iki gihe cyaranzwe n'ugukura kudasanzwe kw'umwuka wa kidini. Niba imyitwarire y'Abakorinto bavugaga bat: "Ngewe ndi uwa Pawulo-ngewe, ngewe ndi uwa Kefa", warigaragaje, rwose ni icyo gihe. Hari hari abari bari ku ruhande rwa Luther, abari bari ku ruhande rwa Husi, igice cya Zwingli, n'abandi. Kwari ukwicamo ibice k'Umubiri wa Kristo. Ku buryo bari abo kugirirwa impuhwe Bagaragazaga ko bariho ku izina nyamara barapfuye. Ni byo rwose bari barapfuye. Uhoreye igithe bahindukiye amadini, barapfuye. Amatsinda akomeye yahindutse amadini, kandi bibohesheje kuba umwe na Leta. Nta kindi byasabaga. Byari byarabarangiranye.

Aho hari hari abo bari bari ku ruhande rwa Luther, bari baranenze Kiliziya y'i Roma. Bari bazi ko atari ukuri guhuza Politiki n'iby'umwuka - kandi nyamara Luther (yakoze kimwe na Petero, wari wemeye kumvira abari bafite umwuka wa Kiyuda) yagiye nta cyo yitayeho kandi yahaye Leta uburenganzira bwo kurengera ukwizera, kandi ntiyabuha Imana. Ryari ryo dini rya mbere mu madini akomeye yasohotse muri maraya, ariko igithe gito gusa nyuma y'urupfu rwa Luther, ryari rifite inzego z'ubuyobozi zisa neza n'izo ryari ryararwanyije. Uhoreye mu giseguru cya kabiri, icyo kintu k'inkubiri, cyari cyarahagurukijwe n'Imana, cyari cyamaze gusubira inyuma kigira mu kibaba cya nyina. Itorero ryari ryarasubiye inyuma, kandi rwose ntiryari ribizi. Bari barashyize amazina yabo bwite hejuru y'Izina Rye. Bagaragazaga amazina yabo bwite.

Kandi uyu munsi, amadini yose akora nk'ibyo neza neza. Bagaragaza izina ryabo bwite, aho kugaragaza Izina ry'Umwami Yesu Kristo. Ubibona ku buryo bworoshye, kuko buri torero ryigaragaza rikoreshje uburyo bwaryo riyoboramo umuhango waryo wo gusenga, ariko nta na rimwe ryimeneyanisha ku bw'imbaraga y'Imana. Ngicyo ikibigaragaza. Ndifuza ko mwakwitegerezza aha ko ibimeneyetso n'imrimo ikomeye bitagaragajwe muri bo icyo gihe. Bari barateye umugongo imbaraga y'Imana bayigurana ububasha bwa Leta. Bihambiriye ku izina ryabo bwite; kandi bayagira amazina akomeye. Igihe cyose wari uwo mwuka, wo kugarura intama zose ukazizana mu mukumbi waryo bwite. Uyu munsi, Abatista bashaka kuba bafite Abametodisite mu gice cyabo; Abametodisite bagashaka guhindura abayoboke abo mu bapuresibiteriyani; kandi Abapantekote bakifuje kuba bafite buri wese. Buri wese avuga ko atanga ibiruta iby'abandi, maze akagaragaza ibyiringiro bikomeye kurusha ibindi - ikintu k'irembo cyo kwinjira mu Ijuru, cyangwa nibura amahirwe akomeye kurushaho yo kuryinjiramo. Rwose ibyo byose biteye agahinda.

Akoreshewe n'uwo mwuka wa kidini, amadini yandika ibitabo byayo bwite byo kwifashisha akgisha inyigisho zayo bwite, agashyiraho ibiro byayo n'ubuyobozi bw'itorero ryabo, kandi usanga rimwe rivuga ko ari ryo ry'ukuri gusa ritwaye Ijambo ry'Imana, ari ryo ribikwiriye kurusha ayandi. Nyamara, ese si ibyo neza neza Papa na Kilizya y'i Roma bakora? Yahise asubira yo ari hamwe na nyina, maraya, kandi ntabizi.

Mu gusoza ibyo twavugaga dushingire kuri uyu murongo ugira uti : "Ufite izina ry'uko uraho, nyamara ukaba uri intumbi", sinashobora kumenya ukuntu nabashishikariza kwita ku buryo bukomeye kuri ibi kubera ko iki gisekuru, nubwo cyazanye ubugoroz, gicyahwa ku buryo bukomeye n'Imana, aho gushyirwa hejuru, KUKO CYABIBYE IMBUTO Y'AMADINI, YISHYIZE HAMWE MAZE ARABONEZA YISUBIRIRA KURI MARAYA, mu gihe Imana yari yarakinguriye urugi iki gisekuru ari ho cyajyaga kunyura kigahunga. Igihe iyo nkubiri yo gutandukana na Kilizya Gatolika yabayeho, mu by'ukuri nta bwo muri byose yari iyo mu buryo bw'umwuka na gato muri rusange, ahubwo yari iya politiki. Abantu hafi ya bose bahindutse abaporotesitanti, kuko, nk'uko nari maze kubivuga, barwanyaga ukwikanyiza kwa Roma mu bya politiki no mu rwego rw'umutungo. Ku bw'ibyo, aho kuba inkubiri ikomeye mu by'Umwuka, ifite ibiyiranga byose bigizwe mo uruhare n'Umwuka Wera, - nk'uko byari bimeze kuri Pantekote, igihe Imana ikoresha uburyo bw'Umwuka gusa kugira ngo isohoze imigambi yayo, - Iyo nkubiri iba mu bigaragara IGIKORWA UMUJINYA W'UMUNTU USHYIRA HEJURU IMANA WIGARAGARIZAMO; ibyavuyemo bimeze nk'iby'amateka ya Isirayeli isohoka iva muri Egiputa, ikazerera mu butayu itinjira mu gihugu cya Kanani. Nubwo byari bimeze bityo, icyabivuyemo kiba ikintu gikomeye cyane: cy'uko, ahantu hose aho umutwaro Roma yikorezaga abantu wari wakuweho, nubwo atari wose, abantu babasha kwakira Ijambo ry'Imana no guca bugufi bakemera ubuyobozi bw'Umwuka badatinya nka mbere. Ni ku bw'ibyo urugi rukinguka rwerekeza mu gihe gikomeye k'ivugabutumwa ry' abamisiyoneri cyakurikiye.

Ariko Yezebeli w'igisekuru cya Tuwatira ntiyifuzaga kurekura ububasha bwe yari afite ku bantu. Ku bw'ibyo, mu gisekuru cya Sarudi, tubona umukobwa we Ataliya yubura umutwe, yizeye ko yashobora kuniga imbuto y'ukuri akesheje uburyo bw'ubucakura bwo kwishyira hamwe kwa kidini.

UMUBURO

Ibyahishuwe 3.2:

"Jya uba maso ukomeze ibisigaye bigiye gupfa, kuko nabonye ko nta mirimo mwakoze itunganye rwose imbere y'Imana yange."

Nakifuje kubasha kuvuga ko igisekuru cya Sarudi kiba igisekuru cyo kugarurira, ntikibe igisekuru cy'ubugoroz. Sinabishobora. Ijambo ntiribyita ukugarurira, ahubwo rwose ribyita ubugoroz. Iyaba, muri iki gisekuru, haba harabayeho ukugarurira, hajyaga kuba harabayeho ikindi gisekuru cya Pantekote - ibyo siko byari bimeze. Gusa icyo twabasha kubivugaho ni iki : "Komeza ibisigaye bigiye gupfa."

Hari habuze ikintu runaka. Yoo! Ni byo, ni ko bimeze nta gushidikanya. Iki gisekuru cyari gifite kubarwaho gukiranuka, ariko cyari kibuze ukwezwa n'umubatizo w'Umwuka Wera. Aho wari umuteguro w'Imana w'umwimerere nyirizina. Ni byo bari bafite kuri Pantekote. Bari baratsindishirijwe kandi barejejwe, kandi bari buzuye Umwuka Wera. Nimunyumve neza: Niba bibasaba gutsindishirizwa no kwezwa, ni ukugira ngo mubashe kubatizwa n'Umwuka Wera. Ni yo mpamvu yo kubaho kw'itorero: ni urusengero rw'Imana, rwuzuye Imana, ni ukuvuga ko rwuzuye Umwuka Wera.

Wa Mwuka wari uri muri Yesu igihe yari ari hano ku isi, ari wo watumaga yarakoraga imirimo ye ikomeye, wagarutse mu Itorero kuri Pantekote, kandi icyo gihe ryakoraga imirimo nk'ijo Yesu yakoze. Ntiwabona iyo mirimo mu gisekuru cya Sarudi. Yoo! Bari bafite Ijambo ryanditse (ariko atari Ijambo rihihuwe). Cyari igihe cy'ubugoroz.

Ariko witinya, mukumbi muto, Imana yaravuze iti: "Nzabagarurira" kandi ubwo bugorozi bwari bugiye kuba intangiriro yuko kugarurira. Yari igiye (nk'uko isezerano ryayo riri) gukura Itorero iyo ikuzimu aho ryari ryarashyizwe na Satani mu gisekuru cy'umwijima, maze ikarijana ikarigeza mu burebure bw'Imana aho ryari riri kuri Pantekote no mu myaka ya mbere yo kubaho kwaryo.

None, nimusobanukirwe rwose ibi. Mu murongo wa kabiri nasomye haravuga hati: "Kuko nabonye ko ari nta mirimo mwakoze itunganye rwose imbere y'Imana." Ese muzi mu by'ukuri icyo iyi mvugo isobanuye igira iti : "Idatunganye"? Ibyo bishatse kuvuga "idashyitse." Iki gisekuru cyari igisekuru kidashyitse. Byari gusa intangiriro yo kugaruka kuri Pantekote. Ni yo mpamvu navuze ko Bibiliya ibyita "ubugoroz", nta bwo ari ukugarurira. Ubugoroz bwatangijwe n'inyigisho yo gutsindishirizwa, ibyo bikagaragaza ko agakiza gaturuka ku Mana yonyine.

Yoo Mbega ukuntu Luther yabwirije ukwigenga kw'Imana ndetse n'ugutoranywa! Yari azi ko byose byaturukaga ku buntu. Yatandukanije Itorero n'idini ry'inzezo z'ubuyobozi. Yashenye amashusho y'ibigirwamana. Yarwanije kwhana ukatura ibyaha imbere y'abapadiri. Yashyize ku mugaragaro ibinyoma byo kwigereranya n'Imana kwa Papa. Ibyo byose mu byari byiza bihebuje, bigitangira, ariko Imana yari yaravuze, imyaka 1500 mbere y'aho iti :"Luther, ni wowe uzatanga itangiriro ry'umurimo, ariko umurimo

ntuzaba urangiye mu gisekuru cyawe: ibyo Mbaye mbizigamiye igithe kizaza." Haleluya! Imana yacu iri ku ngoma! Imenza iherezo ihereye ku itangiriro. Ni byo, Luther yari intumwa yayo. Ntiyabisaga, niba duhagaze tugashingira ku bibi bye. Ariko hariho umuntu witwaga Yona: na we yari afite ibidatunganye mu mibereho ye. Yari umuhanuzi, nubwo mwebwe nange, twabasha gushidikanya kumwemeza turamutse dushingiye ku bikorwa bye. Ariko Imana izi abayo, kandi isohoza ubushake bwayo, nk'uko yabikoze kuri Yona. Yashohoje ubushake bwayo kuri Luther muri icyo gisekuru, kandi izakomeza gusohoza ubushake bwayo kugeza ku iherezo

Rero, iki gisekuru kiba igisekuru kidashyitse. Kiba igisekuru cy'ubugorozi. Ariko rwose ni kuri ubwo buryo Imana yabishakaga. Ndifuza kugaragaza neza ibyo nk'uko nabigaragarije mwene Data mwiza bitangaje w'umuluteriyani, umuyobozi mukuru wa seminari ikomeye cyane mu Burengerezuba. Yari yantumiye iwe ngo dusangire ifunguro ry'igicamunsi, kugira ngo muganirize ku bijyanye n'Umwuka Wera. Hari byinshi byamubuzaga amahoro, maze arambwira ati : "Twebwe, Abaluteriyani, ni iki dufite?"

Ndavuga nti : « Rwose, mufite Kristo. »

Aravuga ati : « Twifusa kubona Umwuka Wera. Mbese wizera ko tumufite ?»

Ndavuga nti : " Mu bigargara ; murawizera."

Aravuga ati: "Mwumva mute iringo jambo « mu bigaragara »? Dufite inyota y'Imana. Twasomye igitabo kivuga ku bijyanye na Pantekote no ku mpano z'Umwuka Wera, ku bw'ibyo bamwe muri twe twafashe indege kugira ngo tuge kureba uwacyanditse muri Californie. Turi aho igithe kimwe, yatubwiye ko, nubwo yanditse icyo gitabo, atari afite impano. Na none, igithe twabonye izo mpano zikora mu bukozi bwanyu, twagize ikifuzo cyo kuganira namwe, kuko mushobora kuba mufite icyo mubiziho."

Nyamara, seminari y'ubo mwene Data iri mu cyaro, ahantu hari hegitaru nini y'ubutaka buhingwaho aho abanyeshuri bashobora gukorera, kandi ku bw'ibyo bakishura amasomo yabo. Usibye iyo famu, hari na none inganda zishobora kubaha akazi. Rero, mfashe iyo mirima kugira ngo ngaragaze igitekerezo cyange, ndamubwira nti : "Umunsi umwe, umuntu ajya mu masambu ye kugira ngo abibe umurima ibigori. Arimbura ibishyitsi, akuramo amabuye, arima amasinde, aracoca, maze abiba imbuto ye. Buri gitondo, yajyaga kwitegereza mu murima we. Igitondo kimwe, aho kubona ubutaka buraho bwambaye ubusa, abona ibihumbi by'imimero yazamutse mu butaka. Aravuga ati : « Icyubahiro kibe ik'Imana ku bw'umurima wange w'ibigori." Nuko, ndamubaza nti : "Mbese uwo muntu yari afite ibigori ?"

Arasubiza ati : "Mu buryo bumwe, yego."

Ndavuga nti : "Mu bigaragara, ni byo; kandi uwo mumero muto uvuye mu butaka ni igishushanyo cyanyu, mwebwe Abaluteriyani, mu gihe cy'Ubugorozi; murabona? Ikigori cyari gitangiyе kumera (nyuma yo kuborera mu butaka, mu gisekuru cy'umwijima). Udui tw'ibigorigori twiza tureture turazamuka, nuko umunsi umwe, babona hagaragaye kuri buri ruti rw'ikigori umutwe worohereye. Uwo mutwe ureba hasi werekeye ku ruti rw'ikigori, maze uravuga, iti: « nta cyo muri cyo rwose, mwebwe, Abaluteriyani ba kera basigaye ku mahame. » Nimurebe twebwe: Ni twe tuzatanga imbuto, twebwe, abamisiyoneri bakomeye. Ni kuri twe habarizwa igithe cy'abamisiyoneri." Iki gisekuru cy'uruti rw'ikigori ni cyo gisekuru cya Wesley, igisekuru cy'abamisiyoneri bakomeye, barusha ndetse abo muri iki gisekuru cyacu. Ese iki gisekuru cyakoze iki? Cyakwije hose nk'uko intanga ngabo z'ibimera zitwarwa n'umuyaga.

"Noneho, ni iyihe ntambwe ikurikiyeho? Ushyize mu gaciro, dutekereza ko ari ukwirema kw'impeke n'umusaruro, bisoza imikurire y'ikigori. Ariko siko biri. Na none hariho indi ntambwe, ari cyo igishishwa, igitiritiri, bibaho kugira ngo gitwikire urubuto. Ibyo ni byo neza neza byabayeho muri icyo gihe k'ibyo bihe bisimburana by'Umwuka. Mu ntangiriro z'ikinyejana cya makumyabiri, mu ntangiriro z'igisekuru cya Lawodikiya, muri rusange hatekerezwaga ko Umwuka Wera yamanukaga neza neza nk'uko yari yarabikoze kuri Pantekote. Abantu bavugaga mu ndimi, kandi bakavuga ko babatijwe mu Mwuka Wera, ikimenyetso batangaga ni uko bavugaga mu ndimi. Inshuro nyinshi natembereye mu mirima y'ingano; ahagana mu mpera y'impeshyi, naciye ihundo, narivungiye mu biganza byange kugira ngo nkuremo impeke, icyo gihe ndatungurwa, NTA MBUTO Y'INGANO YARI MURI IRYO HUNDO, NUBWO MU BY'UKURI BYAGARAGARAGA KO ZARI ZIRIMO, WITEGEREJE UKO IRYO HUNDO RYARI RIMEZE. Iyo ni yo shusho nyakuri y'icyo kintu k'inkubiri y'imyizerere kiyita Pantekote.

Rwose ibyo bigaragazwa n'uko abo bantu BISHYIZE HAMWE BAGAKORA IDINI BASHINGIYE KU NYIGISHO, kandi bisanze biboshye, kimwe n'idini ryari ryarababanjirije. Ku bw'ibyo bagaragazaga ko aho kuba imbuto nyakuri, bari igishishwa, igishishwa k'inyuma cyagenewe kurinda imbuto y'ingano izaza. Iyo ntambwe y'igishishwa ni igithe giteye ubwoba Yesu avugaho muri Matayo 24.24: 'Ku buryo, niba bishoboka bayobya ndetse n'intore.' Yoo! Umuntu yibwiraga ko icyo gishishwa, igisekuru kiyitaga icya Pantekote, cyari urubuto nyakuri. Ariko cyarihishuye kigaragara ko gusa ko cyari umuyoboro utwara ubuzima ukabugeza mu gisekuru aho kuba ukugarurira nyakuri, aho Umugen-Ngano nyakuri agaragazwa mu mbaraga zivugwa muri Ezekiyeli 47.2-5:

'Maze ansohora mu nzira y'irembo ryerekeye i Kasikazi, anzengurukana mu nzira iri hanze, angeza kw'irembo ry'inyma aherekeye i Burasirazuba.

Ndebye mbona amazi atemba anyura mu ruhande rw'iburyo. Uwo muntu agana i Burasirazuba afite umugozi mu ntoki wo kugeresha agera mikono igihumbi, anyuza muri ayo mazi, angera mu bugombambari. Arongera agera mikono igihumbi, anyuza muri ayo mazi, amazi angera mu mavi.

Arongera agera mikono igihumbi anyuza muri ayo mazi, amazi angera mu rukenyerero. Arongera indi mikono igihumbi aba abaye umugezi ntabasha kwambuka, kuko yari abaye amazi menshi yakwambukwa n'uzi koga, ari umugezi utambukishwa amaguru.

"Kandi ibyo byose byasohoye binyuze mu bushake bwuzuye bw'Imana, kandi bijyanye na gahunda yayo. Abaluteriyani bari bafite Umwuka Wera ku buryo bugaragara ku kubarwaho gukiranuka; Abamethodisiti bari bawufite ku buryo bugaragara mu kwezwa; uyu munsi, twongeye kumuhabwa, - ni ukugarurirwa, -Umwuka Wera arahari."

"Jya uba maso ukomeze ibisigaye bigiye gupfa."

Ibitekerezo bigaragazwa n'amagambo abiri "kuba maso" no "gukomeza" ni ibi bikurikira: Kuba maso, nta bwo ari uguenkanga gusa, ahubwo ni uguhura uri maso uryamiye amajanja. Kubura ibyo byakurura akaga, igihombo. Ugukomeza ntibishatse kuvuga gusa gutanga imbaraga, ibyo na none bisobanura gushyiraho no gushinga imizi by'iteka ryose. Ayo mategeko abiri ajyanye n'ibisigaye byose by'UKURI, byegereje cyangwa se "biri hafi" yo gupfa. Iyi mvugo y'Umwuka ingaragarira nk'igishushanyo. Itsinda ry'abari baragizwe imbata, baboshywe mu buryo bw'umubiri no mu buryo bw'imigirire, barahagurutse kandi bigobotoye abari barabatwayeho umunyago (izina Sarudi ubwaryo risobanura "abarokotse"). Barakurikiranywe, kandi rwose ni byo niba hasigaye ikintu runaka cyo gutera imbere kw'ikuzo bari bakoze. Ntibongeye gufatwaho umunyago, ariko icyo twabasha kuvuga gusa ni uko babashije guhunga-nta bwo bashoboye kwigobotora burundu nk'uko bamwe bari babikoze dukurikije uko Ijambo rivuga. Batakaje igice kinini cy'uburenganzira bw'umudendezo wabo.

Na none Umwami aravuga ati: "Mu bigaragara mwasubiye mu bubata; mu by'ukuri mwirinde mu by'ikuri kugira ngo mutabusubiramo. Kugira ngo mudasubira mu bubata, muhore muryamiye amajanja, kandi igihe cyose muhore muri maso ku bintu birebana n'ubucakara bwanyu, bitabaye ibyo muzabura byose. Nimwikomeze mudatinze mu byo mushigaje, kugira ngo mubungabunge ku buryo buhoraho ibyo mufite ubu, maze ku bw'ibyo mwirinde ibindi bihombo, Kuri mwe ni uburyo bwo kugira ngo murangiza ibyo mutari mwararangije." Ariko mbese barakomeje? Oya mugenzi. Nta bwo bitondeye ijwi ry'Umwuka, kandi na none ni igisekuru kinjiye mu bubata, na none Imana yahagurukije abandi bantu abo bo, bari bagiye gusohoza ubushake bw'Imana. Imana yinyuriye ku ruhande ikikira idini ry'Abaluteriyani, ndetse n'andi yose, kandi ntazigera agaruka na rimwe. Imana yagombaga gukomeza na none, mu gisekuru gishya, igakomeza ikazana uguhishurirwa kw'ukuri, kandi igakomeza kurushaho mu murimo wo kugarurirwa

URUBANZA

Ibyahishuwe 3.3:

"Nuko ibuka ibyo wakiriye n'ibyo wumvise, ubyitondere kandi wihane. Ariko rero nutaba maso nzaza nk'umujura, na we ntuzamenya igihe nzagutungurira."

Ngiye kubasomera iyindi nsobanuro y'uyu murongo:

"Nuko ibuka uko wakiriye (ukuri, nk'ikibitsanyo) ndetse n'uburyo wakumvise, maze ugukomeze kandi uhite uhindura uburyo bwo gutekereza.

[dushingiye ku nsobanuro y'icyongereza ya Bibiliya Wuest.- Uhindura]"

Rwose ni ibintu bigaragara, dushingiye kuri uyu murongo, ko Imana yabahaye ukuri nk'ikibitsanyo gihoraho. Barakwakiriye, kandi ni ukwabo ku buryo budasubirwaho. Igisigaye ni ukureba icyo bagukoresha, niba bazaguha agaciro cyangwa ntibakaguhe. Rwose ni iby'ukuri. Bari barakiriye ukuri shingiro k'Ubutumwa bwiza bwose kugira kuti: "Umukiranutsi azabeshwaho no kwizera", "Agakiza gaturuka k'Uwiteka". Bari barumvise ukuri kwa Bibiliya, kwasenyaga inyigisho z'i Roma kugahindura ubusa ubutware bwose bwa papa. Bari bazi uko kuri, ko Itorero ridakiza. Bari basobanukiwe Ifunguro ry'Umwami. Bari bafite umucyo ku byerekeye umubatizo w'amazi. Bakuragaho amashusho yakozwe. Ukuri? Ariko, ntihari harigeze kubaho na rimwe ikindi gisekuru nk'icyo cyabashaga gukwiza hose umucyo. Bari barakiriye umucyo uhagije kugira ngo babashe guhindura burundu imikorere ya kera. Cyangwa kugira ngo bafate ikerekezo gishya, bemera kuyoborwa n'Imana-itegeko ku itegeko, ihame ku ihame. Bari barakiriye ukuri. Baragushakaga, kandi bari barakumvise.

Ariko icyari gisigaye ni ukumenya uburyo bari barakumvisemo. Bari barakumvise nk'urufatiro

rw'inyubako yabo, cyangwa se - imyifatire yari imenyerewe mu Bagiriki - nk'ikintu kigibwaho impaka mu magambo? Mu Ijambo rigaragara, bumvaga Ijambo rikungahaye rya 'ukuri nk'amagambo y'ubuhanga aho kurishyira mu bikorwa, kubera ko Imana yabasabaga impinduka mu buryo bw'imitekerereze yabo. Niba mu byukuri ari Ijambo ry'Imana, - iryo rwose ryari ryo, - icyo gihe bagomba kuryumvira. Kutaryumvira, ni ukwikururira urubanza. Igihe abarinzi b'urusengero rwera babaga batunguwe basinziriye, barabakubitaga, kandi n'imyambaro yabo yaratwkwaga. Ni iki Umwami azakorera iki abo muri iki gisekuru baretse kuba maso kwabo?

"Nzaza aho uri nk'umujura."

Sarudi ya kera yibasirwaga n'amabandi yabaga aturutse mu misozi kandi yarazaga agasahura. By'umwihariko bari abantu bakumva neze ku bwo gusobanukirwa icyo Umwuka yavugaga aho, igihe Yavugaga ko Umwami yajyaga kuzaza nk'umujura. Ni mugukomeza kuba maso gusa no kuba witeguye ubasha kuba witeguye ukuza Kwe. Nyamara tuzi ko ariho hari ubutumwa bw'umuzabibu w'ikinyoma, kuko ukuza kw'Umwami kuzabaho nk'uko byagenze mu gihe cya Nowa. Abantu umunani barokotse bari basobanukiwe neza iby'umwuzure wari uje; kubera ko bari babizi neza, bari bariteguye kandi bararokowe. Ariko isi y'inkozi z'ibibi yatembanywe n'imiraba y'amazi. Mu guhorana n'abakiranutsi buri munsi, bumvise ukuri, ariko baguteye umugongo kugeza igihe bibaye impitagihe. Abantu nyakuri b'abanyamubiri b'icyo gihe basubiye inyuma bashushanya Abakristo b'iki gihe, bafite imibereho yuzuye iby'isi, kandi bagakomeza kubyinezamo badafite na busa akanunu k'Umwuka; nta bwo bitaye na busa ku kuza k'Umwami, kandi nta nubwo banakwiteguye.

ICYO UMWAMI ABASHIMA

Ibyahishuwe 3.4,

Icyakora ufite amazina make y'ab'i Sarudi batanduje imyenda yabo. Ni bo bazagendana nange bambaye imyenda yera kuko babikwiriye. [Bibiliya insobanuro ya Darby. -Usobanura]

Ijambo "amazina" mu by'ukuri bishatse kuvuga "abantu", nko mu Byakozwe 1:15 aho, avuga ku bari bari mu cyumba cyo hejuru, haravuga hati: "Umubare w'amazina y'abari aho bari hafi ijana na makumybiri." Kuri nge nyamara, igisobanuro kirenze kure icyo: "abantu"; bigaragaza uko kuri kugaragazwa muri buri gisekuru, kandi ni ko Umwami wacu atubwira atwihanangiriza cyane. Ni uku agira ati: "Imikorere y'itorero y'ibi bisekuru igizwe n'imizabibu ibiri, uw'ukuri n'uwigiriza. Imana, ikurikije umugambi wayo yigengaho, yayishyize hamwe yombi uko ari ibiri, iyita "Itorero".

Murebe uko ayicyaha muri iki gisekuru, avuga ati: "Ku Itorero riri" - nta bwo ari: "ku Matorero ari" i Sarudi, ahubwo yombi ayahuriza hamwe muri rimwe akavuga ati: "Itorero riri" ... "nzi imirimo yawe" ... "warapfuye" ... "imirimo yawe ntishiyitse..." Hanyuma agakomeza agira ati: "Ufite (iryu Torero ry'i Sarudi) abantu bake bari mu kuri, batandukanye n'imbaga y'abantu nyamwinshi, iri mu kinyoma. Bagenda bambaye imyambaro itanduye, kandi bakwiye kuba abange." Nyamara, abo bantu bari abera nyakuri b'Imana, bagendaga "ku buryo baba abantu banejeje Umwami ku buryo bwuzuye." Imyambaro yabo itanduye. Murabona, icyo gihe, imyambaro yaramanukaga ikagera ku birenge hasi, igenda ikubura umukungugu kandi biyanduza. Abo bantu bitonderaga buri ntambwe yabo, kandi ntibari barandujwe n'isi. Bari bari mu Mwuka, kandi bagendaga bayobowe n'Umwuka, kandi bari abera badafite umugayo imbere yayo. Basohozaga ku bw'ibyo umugambi ku bwo kuba bari ari aho, kuko, dushingiye ku Befeso 1:4, umugambi w'Imana, ni uko: "Twaba abera tudafite umugayo imbere yayo".

Ku bw'uyu murongo, werekana ko intore z'Imana gusa ari: "amazina make", murabona ku buryo bugaragara ibyo twigishije ku byerekeye iki gisekuru. Cyari igisekuru k'ibintu by'akajagari, igisekuru KIDASHYITSE, igisekuru cy'ugucikamo ibice by'amoko yose, kandi Imana iragicyaha hafi ya cyose. Cyari igisekuru k'integre nke, kirwaye, kiri hafi yo gupfa. Nta bwo cyari igihe kiza bihehuje nk'uko abahanga mu by'amateka b'abaporotesitanti bashaka kubigaragaza bakurikira ibitekerezo by'umubiri. Ukierebye bwa mbere, icyo gitu kigaragara nk'icyapfuye, kirwaye, kidafite amababi, imbuto ari ingume, kitagira ishusho, cyarariwe n'udusimba kandi kikagwa hakiri kare. Ariko nimwihangane! Mwitengereze neza. Hejuru rwose, aho izuba rigeza urumuri rwaryo rwose, hari hari imbuto nke za "umuganura" - ayo "mazina make", batunganye muri We, kuko babyawe na We, Abuzuye, kandi yagendantaga na We binyuze mu Ijambo Rye.

Imana ihabwe ishimwe n'icyubahiro ku bw'ayo "mazina make".

"Kandi bazagendana na Nge." Ngicyo ik'Imana ubwayo ivuga ko izabagororera, kubera uko bagenze bakiranuka. Ni agace k'umugabane yabateguriye bazaragwa. Baramutse bemeye kugendana na Yo bakanyura mu ngorane n'imitego by'ubuzima, kugira ngo bayiheshe icyubahiro, icyo gihe yajyaga kuzabaha ingororano. Ntijya yibagirwa umirimo wacu w'urukundo. Imana izatanga ingororano ibihe byose ku mibate tugira ku bwo kuyishimisha

Yego, bari baranyuze mu isi, ntibafatanya na yo. Nta bwo bari baremeye kubohwa n'imikorere ya kidini y'iyi si. Mu gihe abantu bavugwa muri iki gisekuru bari baremeye gushimagizwa na Leta kandi bagahitamo

inzira za politiki mu kimbo k'iz'Umwuka, ari byo byari bigiye kubagarura mu isi, abo bantu bake bari bagiye mu ruhande rw'Ijambo ry'Imana, kandi ku bw'ibyo baheshaga ikuzo Umwami. Umwami na we yari agiye kubahesha icyubahiro. Ku bw'ibyo, bazagendana na We bambaye imyambaro yera. Biribaremeye gusa na na We ku isi, na We yari agiye gusa na bo muri Yerusalem Nshya. Kandi uko guhindurwa tugasa neza neza kuzaba guhebuje! Ibyo biranshimisha, kandi nyamara ntemba amarira mu maso ntekereje kwicisha bugufi Kwe akemera gusa natwe n'abantu, kuko mwitegerezze murasanga ko umwambaro We udfaiterindri bara rindi atari irisa n'iry'abera; nk'uko byaga kumera ku mutware w'isi. Siko biri, barasa na We; na We arasa na bo. Barasa na We, nk'uko Yohana abivuga, kuko "bamubona uko Ari".

"*Kuko babikwiriye*". Musobanukiwe neza Uvuga ibi? Ni Yesu ubwe, ni We ukwiriye. Ni We wenyine wagaragaye ko akwiriye gufata igitabo agikura mu kiganza k'iycaye kuri ya Ntebe y'Ubwami. Kandi none, Uwo nguwo ubwe Ukwiriye arabwira abera Be ati: "Murakwiriye." Uwo, ni We, wenyine ukwiriye guca urubanza (ku bw'ibyo, urubanza rwose rwashyizwe mu biganza Bye), kandi Aravuga ati: "Murakwiriye." Aya magambo aratangaje kimwe n'ari mu Baroma 8:33b:

"Imana inyita umukiranutsi." [Urebye insobanuro ya Bibiliya y'icyongereza ya Way. - Usobanura]

Aho, mu ishami ry'umucyo wo gukirauka kw'Imana, humvikana ijwi rituje rya Yesu rivuga riti: "Aba ni abange. Ni abakiranutsi. Barakwiriye. Bazagendana nange bambaye imyambaro yera."

ISEZERANO K'UZANESHA

Ibyahishuwe 3.5:

"Unesha ni we uzambikwa imyenda yera. Kandi sinzahanagura izina rye na hato mu gitabo cy'ubugingo, ahubwo nzaturira izina rye imbere ya Data n'imbere y'abamarayika be."

"Unesha ni we uzambikwa imyambaro yera"

Uyu murongo mu bigaragara ni isubirwamo ry'umurogo wa 4, ushaka kuvuga abo bantu bake batanduje imyambaro yabo. Hashize imyaka myinshi bakoreshaga imvugo, nta gushidikanya yaturutse kuri uwo murongo. Baravugaga bat: "Imyambaro yanyu muyirinde itandura", ari byo byashakaga kuvuga ngo: Ntimukage mu bintu mushidikanyaho. Abandi bazabikora, kandi mubasha kumva mwifuza kubijyamo, cyangwa se umuntu runaka yabasha rwose kugergeza kubibashoramo, ariko mugume mube hanze y'ibyo byose, kandi mufate inzira ibajiana kure yabyo.

Nyamara, Imana izagororera abumvira iyo nama. Bazambikwa imyambaro yera, nk'uko na We yambaye imyambaro yera. Petero, Yakobo na Yohana baramubonye ku musozi wo guhindurirwaho: imyambaro Ye yeraga nk'umucyo. Nguko uko abera bazaba bambaye. Imyambaro yabo izarabagirana ukwera kuzira ikizinga.

Muzi ko turi mu gihe cya nyuma. Ni muri iki gisekuru amatorero azishyira hamwe. Kandi, nk'uko na none ari muri iki gihe ahabwa imbaraga na politiki y'isi, bidatinze azaba afite mu kiganza umutungo w'amafaranga w'isi. Icyo gihe, niba mutari mu rufatane rw'Amatorero ku isi, ntimuzongera kubasha kugura cyangwa kugurisha. muzatakaza byose. Abazakomeza kuba abizerwa ku Mana kandi bakarinda imyambaro yabo ngo itandura ku bwo kugirana ubumwe na "imikorere ya kidini y'isi" Amatorero azacuzwa ibyabo. Bazageragezwa bikomeye kugira ngo bazibukire. Ababwirizabutumwa bazahara, basabe imbabazi ngo bakorere Imana muri icyo kintu k'imikorere irwanya Kristo y'inyamaswa. Bazemera gushimagizwa no gufatwa mama n'inzezo z'ubuyobozi za kidini. Kandi abantu bazakurikira abo bashumba b'ibinyoma kugeza mu ibagiro. Ariko mu gihe cy'urubanza, bazisanga bose bambaye ubusa. Ntibazahabwa iyo myambaro yera, kandi ntibazagendana na We. Ntushobora kugendana na Satani ikiganza mu kindi, mu myambaro yanduye y'isi, hanyuma na none ngo wumve ko wagendana n'Imana.

Igihe kirageze ngo mukanguke kandi ngo mwumve ijwi ry'Imana rirangurura riti: "Nimusohoke hagati muri yo (amadini yishyize hamwe), bwoko bwange, kugira ngo mudafatanya na hato n'ibyaha byayo, kandi mutagira aho muhurira na hato n'ibyago bikomeye byayo." Amina.

Ni Imana ivuga. Nimuhunge amadini y'iy'isi nk'uko mwahunga icyorezo. Ntimukongere kugendana n'isi, kandi mweze imyambaro yanyu ibe yera ku bwo kwhiana n'amaraso y'Umwana w'intama. Ariko nimubikore nonaha, kuko ejo, bibasha kuzaba ari impitagihe.

"Unesha, nta bwo nzasiba na hato izina rye mu Gitabo cy'Ubugingo."

Dore na none tugeze imbere ya kimwe mu bice by'Ibyanditswe bikomeye kurusha ibindi. Uyu murongo, wizweho, ku buryo butimbitse, wakoreshejwe na none n'abari bari ku ruhande rw'Arminius, kimwe n'abari bari ku ruhande rwa Calvin kugira ngo bashyigikire ibitekerezo byabo. Abari bari ku ruhande rwa Arminius bo bavuga ko uwo murongo ukuraho ku buryo budashidikanya Yohana 6: 37-44:

"Uwo Data yampaye wese aza aho ndi kandi uza aho ndi sinzamwirukana na hato, kuko ntavanywe mu ijuru no gukora ibyo nishakiye ahubwo nazanywe no gukora ibyo uwantumye"

ashaka.

Kandi ibyo uwantumye ashaka ni ibi: ni ukugira ngo mu byo yampaye byose ntagira na kimwe nzimiza, ahubwo ngo nzakizure ku munsi w'imperuka. Kuko icyo data ashaka ari iki: ni ukugira ngo umuntu wese witegerezza Umwana akamwizera ahabwe ubugingo buhoraho, nange nzamuzure ku munsi w'imperuka. Nuko Abayuda baramwitotombera kuko yavuze ati: "Ni nge mutsima wavuye mu Ijuru." Bati : "Uyu si we Yesu mwene Yozefu ntituzi se na nyina? Ni iki gituma avuga ko yavuye mu Ijuru?" Yesu arabasubiza ati: "Mwe kwitotomba nta we ubasha kuza aho ndi, keretse arehejwe na Data wantumye nange nkazamuzura ku munsi w'imperuka.

Imyizerere y'abari bari ku ruhande rwa Arminius akora ubushake bwa Data atari igitekerezo ke bwite yigengaho, ahubwo gusa ari ikifuzo kije atagifitemo uruhare; Yajyaga kuguma hanze y'ibyo byose, ashishikajwe no kureba icyo abantu bajyaga gukora ku mpano Ze nziza kandi zuje ubugwaneza n'impuhwe, ndetse no ku bugingo buhoraho

Abari bari ku ruhande rwa Calvin bo babibona ku bundi buryo. Babona muri uwo murongo uguhumuriza gukomeye guhabwa abera bababaye kandi bacitse intege: kugira ngo bekwita kuri ibyo bihe by'akaga, uko gutotezwa guteye ubwoba, kuko unesha ari "uwizera ko Yesu ari we Kristo". Izina rye ntirizasibwa na hato muri icyo gitabo. Bamwe muri bo bavuga na none ko icyo "Gitabo cy'Ubugingo" Atari kimwe n'Igitabo cy'Ubugingo cy'Umwana w'intama". Ariko, nk'uko bisanzwe igihe cyose, igihe wize umurongo wicira hejuru, uwukuramo gusa igisobanuro kiri aho cyo hejuru kitimbitse.

Kuba izina ryasibwa mu bitabo by'Imana bikwiye inyigo irenze iyo kugenda wicira hejuru, kuko kugeza ubu, abenshi mu biga Ijambo rwose bafashe umwanzuro ko Imana yandika izina ry'abavutse ubwa kabiri mu Gitabo cy'Ubugingo cy'Umwana w'intama mu gihe cy'ukubyarwa ubwa kabiri kwabo; kandi niba ku bw'impamu iyo ari yo yose iryo zina rigomba gukurwamo, umwanya waryo mu gitabo ukongera rwose ugasigara wera, nk'uko wari umeze mbere yuko riwandikwamo. Ibi binyuraniye ijana ku ijana n'icyo Ijambo ryigisha.

Ku bwo gutangira inyigisho yacu, reka duhite tuvuga ko NTA gice na KIMWE k'Ibyanditswe kigisha ko Imana irimo gukora urutonde rw'amazina. Ibyo byose byakozwe mbere isi itarashyirwaho urufatiro, nk'uko tugiye kubyerekana mu kanya. Bityo, ntitugiye rwose kwinjira mu nyigisho y'amatsinda abiri y'abantu yagize buri rimwe uburyo bwo guhabwa Ubugingo buhoraho; bamwe babwemera, izina ryabo ryaranditswe, abandi babuhakana, izina ryabo ntiryanditswe. Rwose, turerekana dukoresheje Ibyanditswe ko imbagu y'abantu bensi batanyuze mu kubyarwa ubwa kabiri bazinjira mu Buggingo buhoraho.

Rwose, turerekana dukoresheje Ibyanditswe ko imbagu y'abantu bensi batanyuze mu kubyarwa ubwa kabiri bazinjira mu Buggingo buhoraho. Nubwo ibyo bigaragara nk'ibidasanzwe, ku buryo budasubirwaho ni iby'ukuri. Turerekana na none ko hari itsinda ry'abantu amazina yabo akaba yaranditswe mbere isi itarashyirwaho urufatiro, kandi AMAZINA YABO AKABA ADASHOBORA NA RIMWE GUKURWAMO. Ariko na none turerekana ko hari irindi tsinda ry'abantu AMAZINA YABO AKABA YARI YARANDITSWE KUVA ISI ITARASHYIRWAHO URUFATIRO, KANDI AMAZINA YABO AKABA AZASIBWA.

Icyu mbere, ni uko nta mpamu n'imwe yatuma muvuga ko "Igitabo cy'Ubugingo cy'Umwana w'Intama" cyaba gitandukanye "n'Igitabo cy'Ubugingo" Igitabo cy'Ubugingo kigaragara na none nk'icyakwitwa Igitabo cy'Ubugingo cy'Umwana w'Intama, cyangwa se Igitabo cy'ubugingo cya Kristo, cyangwa ndetse Igitabo cyawe, cyangwa se Igitabo cy'Abazima. Kirimo gusa amazina. Ibyahishuwe13:8:

"Kandi abatuye isi bazayiramya (inyamaswa), abo amazina yabo atanditswe mu Gitabo cy'Ubugingo cy'Umwana w'intama watambwe uhoreye ku kuremwa ku isi." Ibyahishuwe 17:8 : "iyo nyamaswa ubonye yahozezo nyamara ntikiriho. Kandi igiye kuzamuka ive ikuzimu ige kurimbuka. Abari mu isi amazina yabo atanditswe mu gitabo cy'Ubugingo, uhoreye ku kuremwa kw'isi, bazatangara babonye iyo nyamaswa yahozezo ikaba itakiriho, kandi ikazongera kubaho."

Ibyahishuwe 20.12-15 :

"Mbona abapfuye, abakomeye n'aboroheje bahagaze imbere y'iyo ntebe, n'uko ibitabo birabumburwa. Kandi n'ikindi gitabo kirabumburwa, ari cyo gitabo cy'ubugingo. Abapfuye bacirwa imanza z'ibyanditswe muri ibyo bitabo zikwiriye ibyo bakoze. Inyanja igarura abapfuye bo muri yo, urupfu n'ikuzimu bigarura abapfuye bo muri byo, bacirwa imanza zikwiriye ibyo umuntu wese yakoze. Urupfu n'ikuzimu bijugunywa muri ya Nyanja yaka umuriro. Iyo Nyanja yaka umuriro ni yo rupfu rwa kabiri. Kandi umuntu wese utabonetse ko yanditswe muri icyo gitabo cy'Ubugingo, ajugunywa muri iyo Nyanja yaka umuriro."

Murabona ko, nubwo ibindi bitabo byavuzwe, bavuga gusa ku gitabo KIMWE kirimo amazina. Mu

byahishuwe kitwa : "Igitabo cy'Ubugingo cy'Umwana w'Intama". Cyangwa se : "Igitabo cy'Ubugingo".

None se icyo gitabo kiri he? Luka 10:17-24:

"Nuko abo mirongo irindwi bagaruka bishima bati: Databuja abadayimoni na bo baratwumvira mu izina ryawe.

Yesu arababwira ati: "Nabonye Satani avuye mu Ijuru, agwa asa n'umurabyo. Dore mbahaye ubutware bwo kujya mukandagira inzoka na sikorupiyo, n'imbaraga z'umwanzi zose, kandi nta kintu kizagira icyo kibatwara rwose, ariko ntimwishimire yuko abadayimoni babumvira, ahubwo mwishimire y'uko amazina yanyu yanditswe mu Ijuru." Muri uwo mwanya, Yesu yishimira cyane mu Mwuka Wera maze aravuga ati: "Ndagushima Data, Mwami w'Ijuru n'isi, kuko ibyo wabihishe abanyabwenge n'abahanga, ukabimenyesha abana bato. Ni koko Data, kuko ari ko wabishatse. Byose nabihawe na Data, kandi nta we uzi Umwana uwo ari we keretse Se, kandi nta we uzi Se uwo ari we keretse Umwana n'uwo Umwana ashatse kumumenyesha."

Kandi, ahindukirira abigishwa arababwira biherereye ati: "Hahirwa amaso areba ibyo mureba, kandi ndababwira yuko abahanuzi benshi n'abami bifuje kureba ibyo mureba ntibabireba, no kumva ibyo mwumva ntibabyumva."

Igitabo cy'Ubugingo rero rwose kiri mu Ijuru, kandi kizaba kiri mu rubanza rw'Intebe y'Ubwami Yera. Muri uyu murongo, Yesu avuga ko AMAZINA yabo yari yaranditswe mu Ijuru. Bari baranditswe mu Gitabo cy'Ubugingo, kuko aho ari ho amazina yashyizwe. Yesu yabwiraga abo mirongo irindwi (umurongo wa 17), ariko na none n'intumwa cumi n'ebiyiri (umurongo wa 23). Bose bari bashimishijwe n'uko abadayimoni babumviye mu Izina rya Yesu.

Kuri ibyo Kristo arasubiza ati: "Ntimunezezw n'uko abadayimoni babumviye, ahubwo munezezw n'uko amazina yanyu yanditswe mu Ijuru (mu Gitabo cy'Ubugingo)." Nyamara, murabona ko Yuda na we yari umwe muri aba birukanaga abadayimoni mu Izina rya Yesu, ariko tuzi ko yari dayimoni, umwana wo kurimbuka.

Yohana 6:70-71:

Yesu arasubiza ati:

"Mbese si nge wabitoranirije uko muri cumi na babiri? None dore umwe muri mwe ni umwanzi"

uko yavugaga ni Yuda Isikariyota mwene Simoni kuko ari we wari ugiye kuzamugambanira, ari umwe muri abo cumi na babiri.

Yohana 17:12:

"Nkiri kumwe na bo, nabarindiraga mu Izina Ryawe wampaye. Narabarinde muri bo nta muntu wabuze ngo arimbuke, keretse umwana wo kurimbuka ngo ibyanditswe bisohore.

Yohana 13:10-11, 18

Yesu aramubwira ati:

"uwuhagiwe nta kindi agomba keretse koga ibirenge ngo abe aboneye rwose.

Namwe muraboneye ariko si mwese." Icyatumye avuga ati: "Ntimuboneye mwese ni uko yari azi uri bumugambanire uwo ari we." Simbauze mwese kuko nzi abo natoranje, keretse ko ibyanditswe bikwiriye gusohora ngo: "Urya ibyo kurya byange ni we umbanguriye umugeri."

Nyamara, niba amagambo adatandukaniwe ngo agire indi nsobanuro, rwose tugomba kwemera ko Yuda yatoranjwe na Yesu (Yohana13:18), kandi nyamara ntiyari atunganye (Yohana13:10-11). Yuda na none ahabwa Yesu na Se.

Yohana 17:12

(Tumenye aha ko **"ugutoranya"** na **"impano"** bifite ukuntu bigenda bibangikanye mu gishushanyo cy'urugero rwa Mose na Farawo, kimwe na Yakobo na Esawu, kuko nubwo Esawu na Farawo bombi bari baramenywe mbere, bari barateguriwe mbere umujinya, mu gihe Mose na Yakobo bari barateguriwe kuzahabwa ikuzo.

1 Petero 2; 8-9, hatwereka abo kurimbuka, n'intore, hagira hati:

"Basitara ku Ijambo ry'Imana ntibaryumvire", kandi ari bo ryagenewe." Mwebwe, aho mutandukaniye, muri uwoko bwatoranjwe.")

Yuda yari yarabazwe muri cumi na babiri, kandi rwose yagize uruhare mu murimo ari kumwe na bembere ya Pantekote.

Ibyakozwe n'intumwa 1:16-17,

Bagabo bene Data, ibyanditswe byari bikwiriye gusohora, ibyo Umwuka Wera yahanuriye mu kanwa ka Dawidi kuri Yuda wayoboye abafashe Yesu. Kuko yari yarabazwe muri twe, agahabwa umugabane w'uyu murimo.)

Umugabane Yuda yari afite muri cumi na babiri, kandi akaba yarawutakaje nyuma ntiwari uri munsi y'ubukozi bw'abo cumi n'umwe bandi basigaye. Nta nubwo bwari ubukozi budasanzwe, bukomoka kuri Satani, bwaba bwaraseseye rwihihswa mu bukozi bwa bagenzi be.

Ibyakozwe n'Intumwa 1:25:

"Abe intumwa ahabwe uyu murimo Yuda yataye akajya ahe."

Yuda, dayimoni, yatakaje umurimo w'Umwuka Wera, yari yarahawe uturutse ku Mana, yariyahuye, MAZE AJYA AHE. Izina rye na ryo ryari mu Gitabo cy'Ubugingo. Arikoi izina rye ryaje gusibwa.

Mbere yo gukomeza ibi bitekerezo kuri Yuda, dusubire mu Isezerano rya Kera, maze turebe ko Imana yaba yarigeze gukora ibantu nk'ibyo.

Mu gitabo K'Itangiriro 35:23-26, bene Yakobo bari cumi na babiri, kandi amazina yabo yari aya: Rubeni, Simeyoni, Lewi, Yuda, Isakari na Zebuloni, Yozefu na Benyamini, Dani, na Nafutari, Gadi na Asheri. Urubyaro rw'abo bahungu cumi na babiri rwahindutse imiryango cumi n'ibiru ya Isirayeli, uretse ko nta n'umwe mu miryango ufile izina rya Yozefu. Ku bw'ibyo, bijyanye n'umugambi w'Imana, hagombaga kubaho imiryango cumi n'itatu, kandi abahungu babiri ba Yozefu bagiriwe ubuntu bwo kuzamura umubare ukava kuri cumi na babiri bakagera kuri cumi na batatu. Rwose, murabizi neza, ko byari ngombwa kugira ngo bazibe icyuho cy'umuryango wa Lewi, Imana yari yawushyize ku ruhande kubera umurimo w'ubutambyi. Ku bw'ibyo, igihe Isirayeli ivuye muri Egiputa kandi Imana ikabaha ihema ry'ibonaniro mu butayu, tubona umuryago wa Lewi ukorera umurimo w'ubutambyi iyindi miryango cumi n'ibiru amazina yayo akaba aya akurikira; Rubeni, Simeyoni, Isakari, Zebuluni, Benyamini, Dani, Nafutari, Gadi, Asheri, Efurayimu, na Manase. Gahunda yagenderwagaho mu rugendo iyagaragaza ityo mu gitabo cyo Kubara 10:11-28. Ntibavugamo Yozefu cyangwa Lewi. Arikoi iyo turebye mu Byahishuwe 7:4-8 ahavugwa: "Abari barashyizweho ikimenyetso, ibihumbi ijana na miringo ine na bine, bo mu miryango YOSE y'abana b'Isirayeli", tubona amazina akurikira. Yuda, Rubeni, Gadi, Asheri, Nafutari, Manase, Simeyoni, Lewi, Isakari, Zebuluni, Yozefu, Benyamini. Dusanga ari imiryango cumi n'ibiru, harimo Lewi na Yozefu, arikohatarimo Dani na Efurayimu.

Ku bw'ibyo ikibazo kiravuka kigira kitu: "Kubera iki iyo miryango yombi yasibwe?" Igisubizo kiri mu Gutegeka kwa kabiri 29:15-20.

Muzi uko twabaga mu gihugu cya Egiputa, kandi uko twaciye hagati y'amahanga mwaciymo, kandi mwabonye ibizira bakunda, n'ibigirwamana byabo by'ibiti n'amabuye n'ifeza n'izahabu, byari muri bo. Muri mwe hekugira umugabo cyangwa umugore cyangwa inzu cyangwa umuryango, umutima we uteshuka uyu munsi ngo uve k'Uwiteka Imana yacu, agende akorere ibigirwamana by'ayo mahanga, he kuba muri mwe umuzi wera, ikishi n'igisharira cyane. He kugira uwumvise amagambo ya wa muvumo ngo yirarire mu mutima we ati: "Nzagira amahoro nubwo ngendana umutima unangiye" akarimbuza abahehereye n'abumye. Uwiteka ntazemera kumubabarira ahubwo uburakari bw'Uwiteka n'ifuhre rye bizagurumanira uwo muntu kuri icyo gihe, imivumo yose yanditse muri iki gitabo imubeho, kandi Uwiteka azatsema izina ry'uwo arikure munsi y'Ijuru."

Dore umuvumo wavuzwe ku byerekeye kuramya ibigirwamana, ari bwo busambanyi bwo mu buryo bw'Umwuka. Umuryango wajyaga guhindukira ukazaramya ibigirwamana wajyaga kuzasanga izina ryawo ryasibwe. Kandi turabona amateka y'imiryango ibiri ifite amazina yayo yasibwe kubera kuramya ibigirwamana mu 1Abami12.25-30:

Nuko Yerobowamu yubaka i Shekemu mu gihugu k'imisozi ya Efurayimu aturayo, bukeye arahimuka yubaka i Penuweri. Maze Yerobowamu aribwira ati: "Noneho ubwami buzasubira ku nzu ya Dawidi. Aba bantu nibazamuka bakaja i Yerusaremu gutambira mu nzu y'Uwiteka, imitima yabo izagarukira shebuja Rehobowamu umwami w'Abayuda. Maze banyice bisubirire kuri Rehobowamu umwami w'Abayuda. Umwami aherako yigira inama arema ibishushanyo by'inyana bibiri mu izahabu, abwira abantu ati: "Byabarushya kujya muzamuka mujya i Yerusaremu. Wa bwoko bw'Abayisirayeli we, ngizo Imana zawe zagukuye mu gihugu cya Egiputa maze kimwe agishyira i Beteri, ikindi agishyira i Dani nuko ibyo bishushanyo biba ibigusha kuko abantu bajyaga baza kubiramya, ndetse bakagera no ku k'i Dani."

Hoseya 4:17:

"Efurayimu yifatanije n'ibigirwamana nimumureke!"

Rwose muzirikane, ko igihano k'icyaha cyo kuramya ibigirwanama cyari uko umuryango ukoze icyo cyaha wajyaga gusanga izina ryawo ryasibwe "munsi y'Ijuru". Gutegeka kwa kabiri 29:20. Ntihavuzwe ko wajyaga kuzasibwe "mu Ijuru", ahubwo ni munsi y'Ijuru. Kandi rwose ibyo ni ko bimeze, kuko Isirayeli ubu yasubiye muri Palestina, kandi Umwami bidatinze agiye gushyira ikimenyetso Ke ku 144000 muri bo. Ariko Dani na Efurayimu ntibazaba bari muri uwo mubare.

Ibyahishuwe 7:4-8:

Numva umubare w'abashyizweho ikimenyetso ngo ni agahumbi n'inzovu enye n'ibihumbi bine. Ni bo bashyizweho ikimenyetso bo mu muryango yose y'Abisirayeli. Abo mu muryango wa Yuda bashyizweho ikimenyetso ni inzovu n'ibihumbi bibiri. Abo mu muryango wa Rubeni ni inzovu n'ibihumbi bibiri. Abo mu muryango wa Gadi ni inzovu n'ibihumbi bibiri. Abo mu muryango wa Asheri ni inzovu n'ibihumbi bibiri. Abo mu muryango wa Nafutali ni inzovu n'ibihumbi bibiri. Abo mu muryango wa Manase ni inzovu n'ibihumbi bibiri. Abo mu muryango wa Simiyoni ni inzovu n'ibihumbi bibiri. Abo mu muryango wa Lewi ni inzovu n'ibihumbi bibiri. Abo mu muryango wa Isakari ni inzovu n'ibihumbi bibiri. Abo mu muryango wa Zebuluni ni inzovu n'ibihumbi bibiri. Abo mu muryango wa Yosefu ni inzovu n'ibihumbi bibiri. Abo mu muryango wa Benyamini ni inzovu n'ibihumbi bibiri, bashyizweho ikimenyetso."

(Mwitegereze Dani na Efurayimu ntibarimo.)

Hamwe n'ibi, na none murebe muri Daniyeli 12:1,

bihura neza n'ibyo 144 000 byashyizweho ikimenyetso mu gihe k'ikimenyetso cya gatandatu, mu gihe cy'Umubabaro Ukomeye, cyangwa cy'umubabaro wa Yakobo.

"Maze icyo gihe Mikayeli wa mutware ukomeye ujya uhagarikira abantu bawe, azahaguruka; hazaba ari igihe cy'umubabaro utigeze kubaho uhereye igihe amahanga yabereyeho ukageza icyo gihe. Nuko icyo gihe abantu bawe BAZABA BANDITSWE MU GITABO, bazarokorwa."

Nyamara, nyuma y'icyo gihe cy'umubabaro (mu gihe cy'ubwami bw'imyaka igihumbi), nk'uko tubasha kubibona muri Ezechieli 48:1-8 na 22-29, tubona imiryango yongera igashyirwaho hakurikijwe gahunda y'Imana. Ariko, uhereye igihe Efurayimu Dani bifatanije n'ibigirwamana, yarapfuye, ntibongeye kubaho nk'imiryango. Ndemera ko, uhereye igihe k'isenywa rya Yerusalem, inyandiko zose zirebana n'iyo miryango zarazimiye, ku buryo nta muntu n'umwe wabasha kuvuga afite gihanya umuryango akomokamo uwo ari wo, ARIKO IMANA YO IRABIZI. Iyo Mana ikomeye yagaruye Isirayeli muri Palesitina izi neza neza buri muryango wa Isirayeli nyakuri: Dani na Efurayimu ntibazabarirwa muri ibyo bihumbi ijana na mirongo ine na bine bizateranirizwa hamwe.

Ngiyi imiryango ya Isiryeli. Ezechieli 48:1-8 na 22-29:

"Aya ni yo mazina y'imiryango. Uhereye aherekera i Kasikazi, ahakikiye inzira y'i Hetiloni ukageza i Hamati, n'i Hasarenani h'urugabano rw'i Damasiko, i Kasikazi hateganye n'i Hamati, hagati y'aherekeye Iburasirazuba, n'Iburengerazuba hazaba umugabane wa Dani.

Uhereye Iburasirazuba ahateganye n'urugabano rwa Dani ukageza aherekereye Iburengerazuba, hazaba umugabane wa Asheri. Kandi uhereye Iburasirazuba ahateganye n'urugabano rwa Asheri ukageza aherekereye Iburasirazuba, hazaba umugabane wa Nafutari.

Uhereye Iburasirazuba hateganye n'urugabano rwa Nafutari ukageza aherekereye Iburengerazuba hazaba umugabane wa Manase. Uhereye iburasirazuba hateganye n'urugabano rwa Manase ukageza aherekereye iburengerazuba hazaba umugabane wa Efurayimu. Uhereye iburasirazuba ahateganye n'urugabano rwa Efurayimu ukageza aherekereye Iburasirazuba, hazaba umugabane wa Rubeni. Uhereye Iburasirazuba hateganye n'urugabano rwa Rubeni ukageza aherekereye Iburasirazuba hazaba umugabane wa Yuda. Uhereye Iburasirazuba hateganye n'urugabano rwa Yuda ukageza aherekereye Iburengerazuba, n'ibindi, ahazaba ari ah'igikomangoma ni ahaherereye hagati y'ah'urubyaro rw'abatambyi n'umugabane w'umurwa; ahazaba ku rugabano rw'umugabane wa Yuda n'urugabano rw'umugabane wa Benyamini hazaba ari ah'IGIKOMANGOMA.

Dore indi miryango: Uhereye Iburasirazuba hateganye n'umugabane wa Benyamini ukageza aherekereye Iburengerazuba hazaba umugabane wa Simeyoni. Uhereye Iburasirazuba hateganye n'umugabane wa Simeyoni ukageza aherekereye Iburengerazuba, hazaba umugabane wa Isakari ukageza aherekereye Iburengerazuba, hazaba umugabane wa

Zebuluni. Uhereye Iburasirazuba hateganye n'umugabane wa Zebuluni ukagera aherekeye Iburengerazuba hazaba umugabane wa Gadi. Kandi uhereye aherekeye i Kusi n'urugabano rwa Gadi, n'ibindi."

Twabasha na none gufata nk'igishushanyo cy'amateka ya Isirayeli iva mu gihugu cya Egiputa kugira ngo ige i Kanani. Umugambi w'Imana muri icyo gihe wari uwo GUSOHORA Isirayeli mu gihugu maze IKAYINJIZA mu kindi kugira ngo bayikorere. Ku bw'ibyo, mu kuva muri Egiputa, BOSE basohotse bari munsi y'amaraso y'umwana w'intama w'igitambo; BOSE banyuze mu mazi y'umubatizo mu nyanja Itukura; bose babonye ibitangaza bikomeye, BOSE bariye kuri manu, BOSE banyoye ku mazi yavaga mu gitare, kandi ku bijyanye n'imugisha n'ukwigaragaza kugaragara inyuma, BOSE bari babifiteho uruhare rungana. Ariko, igihe bageze i Mowabu, abantu bose bifatanije n'umunsi mukuru wo guha ikuzo Bayali - Pewori barapfuye. Imirambo yabo yaguye mu butayu, kuko ari ho bari bangiye Ijambo ry'Imana, kandi bari bariteye umugongo. Ibyo ni byo bivugwa mu Baheburayo 6:1-9, ibyo twagaragaje tubitondeye cyane mu gisekuru cya Perugamo. Ntushobora gufata gusa agace kamwe k'ijambo, bisaba ko ufata ijambo RYOSE. Hari abantu basa nk'abiyoberanyije, hafi ijana ku ijana mu bintu by'Imana. Abo ni nka Yuda. Nta muntu n'umwe uretse Yesu wari uzi neza neza umuntu nka Yuda uwo ari we. Ku bw'ibyo, umunsi uragera, Yuda akora neza neza nk'ibyo Isirayeli yari yakoze igihe cya Bayari-Pewori: agafata ikemezo cyo kwifatanya n'imbaraga z'umuzabibu w'ikinyoma, - cyo kwinjira mu ihuriro ry'ishyirahamwe mu by'ubutunzi na Politiki y'iyobokamana irwanya Ijambo kandi rikanarwanya Kristo, - kandi arabikora. Yemeye gushukwa! Abandi cumi n'umwe, bo ntibabikoze. Bo ntibashoboraga gushukwa, kuko bari bari mu mubare w'intore. Ku bw'ibyo, igihe Yuda ajya kugambanira Umwami, izina rye ryahise risibwa mu Gitabo cy'Ubugingo (Ibyahishuwe 22:19).

Noneho, nzi neza ko mwabonye ko abo amazina yabo yari ari mu Gitabo cy'Ubugingo babaga bari muri gahunda ya kidini y'icyo gihe, bagahindukira Imana y'ukuri kandi bakayisenga, nubwo wasangaga batayisenga ku buryo buhuye n'Ukuri (Ijambo), Kimwe na Yuda, ntibakomeje ngo bagere ku ntego. Nimurebe uburyo Yuda yari yaratoranjwe n'Imana. Yari yarigishirijwe mu kuri. Yari yarahawe umugabane wo kumenya ubwiru. Yari yarahawe ubukozi bukomeye bw'imbaraga, kandi yakizaga abarwayi akanirukana abadayimoni mu Izina rya Yesu. Ariko, igihe isaha y'ukuri yageze, yiyambuye ibyo byose kubera Zahabu n'ububasha mu bya Politiki. Ntiyakomeje ngo agere kuri Pantekote kugira ngo ahabwe Umwuka w'Imana. Nta Mwuka yari afite, ntimubyibeshyeho, niba umuntu mu by'ukuri yarabatirijwe mu mubiri wa Kristo akabatizwa n'Umwuka Wera, ku bw'ibyo agahabwa umwuzuro w'Umwuka, azaguma mu IJAMBO KUGERA KU IHREZO. Ngicyo igihama cy'uko wabatijwe n'Umwuka Wera. Yuda yaratsinzwe. Aho ni na ho abantu nyamwinshi na bo batsindirwa. Kandi igihe badakomeje kugendera muri iryo Jambo, izina ryabo risibwa mu Gitabo cy'Ubugingo.

Kugira ngo musobanukirwe neza impamu izina rishobora gusibwa mu Gitabo cy'Ubugingo, twongere tugarure ibitekerezo byacu kuri Isirayeli, mu gihe cya Mose. Kuva 32: 30-34:

"Bukeye bwaho Mose abwira abantu ati: "Mwakoze icyaha gikomeye none ndazamuka nsange Uwiteka, ahari ndabona uko mbitwarira. Mose asubira aho Uwiteka ari aramubwira ati: "Nyamuneka nyumvira, ubwo bwoko bwakoze icyaha gikomeye koko bwiremeye ikigirwamana k'izahabu. Ariko wakwemera kubabarira icyaha cyabo, byaba byiza. Ariko nutabyemera, umpanagura unkure mu gitabo cyawe wanditse." Uwiteka abwira Mose ati: "Uncumuyeho wese ni we nzahanagura mukure mu gitabo cyange. None genda ujyane abantu aho nakubwiraga, dore Marayika wange arakujya imbere, ariko ku munsi wo guhora nzabahora icyaha cyabo."

Biragaragara rwose ko amazina yasibwe kandi ko azasibwa mu Gitabo cy'Ubugingo, mbere yuko hazaba hatagisigaye igihe. Ahangaha, byari byatewe no ku kuramya ibigirwamana, nk'uko byari bimeze kuri Dani na Efurayimu, batakaje uburenganzira bwabo bwo kuba umuryango kubera kuramya ikigirwamana k'ikimasa cya zahabu. Abantu bose bishoye mu kuramya ibigirwamana bisanze amazina yabo yasibwe mu Gitabo cy'Ubugingo.

Igihe, Abisirayeli banze ubuyobozi bw'Imana ikoreshheje Inkigi y'umuriro kugira ngo bahindukirire umuhango wo kuramya ibigirwamana by'ibimasa bya zahabu, amazina yabo yasibwe mu Gitabo cy'Ubugingo. Kuva 32:33. (uncumuyeho wese ni we nzahanagura mukure mu gitabo cyange) niba guhindukirira ibigirwamana bituma uhanishwa igihano cyo gukurwa mu Gitabo cy'Ubugingo, icyo gihe igihano cya Isirayeli cyo kuba baranze Yesu Kristo nka Mesiya na cyo kigomba kuba gikomeye cyane. Rwose ni ko bimeze. Muri Zaburi ya 69, hatwereka Yesu asuzuguwe acishijwe bugufi, uhereye ku murongo wa 22 ukugeza kuwa 29:

"Kandi bampaye indurwe kuba ibyo kurya byange, ngize inyota bampa umushari wa vino. Ameza yabo imbere yabo ahinduke ikigoyi, bakiri mu mahoro ahinduke umutego, amaso yabo ahumwe batareba uhindishe umushyitsi ikiyunguyungu cyabo iteka. Ubasukeho uburakari bwawe, umujinya w'inkazi wawe ubagereho! Iwabo hasigare ubusa, kandi ntihakagire uba mu mahema yabo! Kuko bagenza uwo wakubise kandi bavuga umubabaro

w'abo wakomerekeje. Rundanya ibyaha ku byaha byabo, be kwinjira mu gukiranuka kwawe basibanganywe mu gitabo cy'ubugingo, be kwandikanwa n'abakiranutsi!" Igihe Abayuda banze Yesu, Imana yabateye umugongo bidasubirwaho, ihindukirira abanyamahanga.

Ibyakozwe n'intumwa 13:46-48:

"Pawulo na Barinaba bavuga bashize amanga bati: "Byari bikwiriye ko muba ari mwe mubanza kubwirwa Ijambo ry'Imana, ariko none ubwo muryanze, kandi ntimwirebe ko mukwiriye ubugingo buhoraho, ngaho duhindukiriye abanyamahanga.

Kuko uku ari ko Umwami yadutegetse ati: 'Ngushyiriyeho kuba umucyo w'abanyamahanga, ngo ujyane agakiza kurinda ugera ku mpera y'isi.

""Abanyamahanga babyumvise batyo barishima bahimbaza Ijambo ry'Imana abari batoranirijwe ubugingo buhoraho bose barizera."

Ibi nta bwo bishaka kuvuga ko hatazongera kuba na rimwe, mu miryango y'Isirayeli yagumya kuba mu Gitabo cy'Ubugingo, kuko, dushingiye ku ihame yo gutoranywa, umubare munini w'abayuda (ariko si abantu nyamwinshi) bazaba bari mu gihe k'itorero ry'abanyamahanga, kandi bazinjira mu mubiri wa Yesu Kristo, aho bigaragaza ko amazina yabo mu by'ukuri yakomeje kwandikwa mu Gitabo cy'Ubugingo. Na none, nk'uko turi bubigaragaze, dushingiye ku kimenyetso cya gatanu, Umwami azaha umubare munini wa Ayuda bahowe Imana umwambaro Wera n'ubugingo buhoraho. Na none hazabaho ibihumbi ijana na mirongo ine na bine, bazashyirwaho ikimenyetso mu gihe cy'Ukuza Kwe, ku bw'ibyo bigaragaza ko amazina yabo na none atari yarigeze asibwa. Ariko, nk'uko Zaburi ya 69 ibigaragaza ku buryo bweruye, abagome n'inkozi z'ibibi banga Kristo, kimwe n'abarimbura ubwoko Bwe, abo amazina yabo arasibwa.

Kimwe n'uko abenshi muri Isirayeli (ubwoko bwatoranijwe n'Imana) bwanze uburenganzira bwabo bwo kuba baranditswe mu Gitabo cy'Ubugingo banga Yesu, ni kimwe n'uko abenshi mu bari mu Itorero ry'abanyamahanga bazacirwaho iteka, kandi amazina yabo akazasibwa mu Gitabo cy'Ubugingo ku bwo kuba baranke Ijambo kandi ku bw'ibyo bakaba barinjiye mu mpuzamadini y'isi, ari yo gishushanyo k'inyamaswa.

Reka turebe na none indi ngingo hano. Mu rubanza rw'imbere y'Intebe y'Ubwami ikomeye Yera, abantu bazatandukanya. Igitabo cy'Ubugingo kizabumburwa, n'ikindi gitabo kizabumburwa.

Matayo 25:31-46:

"Umwana w'umuntu ubwo azazana n'abamarayika bose afite ubwiza Bwe, Ni bwo azicara ku ntebe y'ubwiza bwe.

Amahanga yose azateranirizwa imbere Ye. Abarobanure nk'uko umwungeri arobanura intama mu ihene.

Intama azazishyira iburyo bwe, naho ihene azishyire ibumoso.

Nuko umwami azabwira abari iburyo bwe ati: 'Nimuze mwebwe abo Data yahaye umugisha, muragwe ubwami bwabatunganirijwe uhoreye ku kuremwa kw'isi,

kuko nari nshonje mukamfungurira, nari mfite inyota mukampa icyo kunywa, nari umushyitsi mukancumbikira,

nari nambaye ubusa muranyambika, nari ndwaye muransura, nari mu nzu y'imbohe muza kundeba.

" Abakiranutsi bazamubaza bati: 'Mwami, twakubonye ryari ushonje turagufungurira, cyangwa ufite inyota tuguha icyo kunywa?

Kandi twakubonye ryari uri umushyitsi turagucumbikira cyangwa wambaye ubusa turakwambika?

Kandi twakubonye ryari urwaye cyangwa uri munzu y'imbohe tuza kugusura?

Umwami azabasubiza ati: "Ndababwiza ukuri yuko ubwo mwabikoreye umwe muri bene Data aba boroheje bari hanyuma y'abandi, ari nge mwabikoreye.

' Azabwira n'abari ibumoso ati: 'Nimuve aho ndi mwa bivume mwe, muge mu muriro w'iteka watunganirijwe umwanzi n'abamarayika be,

kuko nari nshonje ntimwamfungurira, nari mfite inyota ntimwampa icyo nywa,

nari umushyitsi ntimwancumbikira, nari nambaye ubusa ntimwanyambika, nari umurwayi no munzu yimbohe ntimwansura.

"Na bo bazamusubiza bati: "Mwami twakubonye ryari ushonje, cyangwa ufite inyota cyangwa uri umushyitsi, cyangwa wambaye ubusa, cyangwa urwaye cyangwa uri mu nzu y'imbohe, ntitwagukorera?

Azabasubiza ati ndababwira ukuri yuko ubwo mutabikoreye umwe muri bene Data aba boroheje bari hanyuma y'abandi, nange mutabinkoreye.

Abo bazajya mu ihaniro ry'iteka, naho abakiranutsi bazajya mu bugingo buhoraho."

Ibyahishuwe 20.11-15:

"Mbona intebi y'ubwami nini yera, mbona n'Iyicayeho, isi n'Ijurubihunga mu maso hayo, ahabyo ntihaba hakiboneka.

Mbona abapfuye, abakomeye n'aboroheje bahagaze imbere y'iyo ntebe, nuko ibitabo birabumburwa, kandi n'ikindi gitabo kirabumburwa ari cyo Gitabo cy'Ubugingo. Abapfuye bacirwa imanza z'ibyanditswe muri ibyo bitabo zikwiriye ibyo bakoze.

Inyanja igarura abapfuye bo muri yo, urupfu n'ikuzimu bigarura abapfuye bo muri byo bacirwa imanza zikwiriye ibyo umuntu wese yakoze.

Urupfu n'ikuzimu bijugunywa muri ya Nyanja yaka umuriro. Iyo Nyanja yaka umuriro ni yo rupfu rwa kabiri.

Kandi umuntu wese utabonetse ko yanditswe muri cya Gitabo cy'Ubugingo, ajugunywa muri iyo Nyanja yaka umuriro.

Abakiranutsi n'abakiranirwa bose bazaba bari muri urwo rubanza. Ni ko bivuzwe hano. ABO BAKIRANUTSI NTIBAZABA ARI UMUGENI KUKO UMUGENI YICARANYE NA WE KUGIRA NGO ACE IMANZA.

1 Abakorinto 6:2-3:

"Ntimuzi yuko abera bazacira ab'isi urubanza? Kandi ubwo ari mwe muzacira ab'isi urubanza ntimushobora no guca imanza z'ibintu bito hanyuma y'ibindi? Ntimuzi ndetse yuko tuzacira abamarayika urubanza, nkanswe iby'ubu bugingo?

Ibyahishuwe 3.21:

Unesha nzamuha kwicarana nange ku ntebe yange y'ubwami, nk'uko nange nanesheje nkicarana na "Data ku ntebe ye. Murabona, Umugen ari kumwe na We ku ntebe y'Ubwami. Kuko agomba gucir aisi urubanza, agomba kuba yicaranye na We kugira ngo ace imanza. Ni byo neza neza Daniyeli yabonye.

Daniyeli 7:9-10:

"Nkomeza kwitegereza kugeza aho bashyiriye ho intebi z'ubwami, haza umukuru nyiri ibihe byose aricara. Imyambaro ye yeraga nka shelegi kandi umusatsi we wasaga n'ubwo ya bw'intama bwera. Intebi y'ubwami bwe yasaga n'ibrimi by'umuriro kandi inziga zayo zasaga n'umuriro ugurumana. Imbere Ye hatembaga umuriro, uduhumbagiza baramukoreraga kandi inzovu inshuro inzovu bari bamuhagaze imbere. Imanza zirashingwa ibitabo birabumburwa."

Murabibona, turongera tukabona ibintu nk'ibyo, kuko uduhumbagiza bamukorera ni Umugeni; ku bw'ibyo, ni nde ukorera Umugabo, atari umugore we?

Ikibazo kibazwa noneho ni iki gikurikira: kubera iki abo bakiranutsi banya mu rubanza? Nta handi hantu bashobora kugaragara, kubera ko hariho gusa imizuko ibiri, kandi kubera ko batabashije kuboneka mu muzuko wa mbere, bisaba ko baboneka mu muzuko wa kabiri, ari wo muzuko w'urubanza. Abafite ububasha bwo kugaragara mu muzuko wa mbere (umugeni) ntibazaca mu rubanza. Yohana 5:24: "Ni ukuri ni ukuri, ndababwira yuko uwumva Ijambo ryange akizera uwantumye, aba afite ubugingo buhoraho (ni ukuvuga ko uwizera yamaze guhabwa ubugingo buhoraho, ubu akaba abufite) kandi ntazaza na hato mu rubanza, ahubwo aba avuye (burundi) mu rupfu ageze mu bugingo."

Ariko mumenye neza ko Yesu yagombaga gutekereza ku rindi tsinda ari ryo, mu gihe cy'umuzuko runaka, ryajyaga guhabwa ubugingo buhoraho. Bazabuhabwa mu muzuko, NTIBABUHAWE MBERE NK'ABAGIZE UMUGENI.

Yohani 5:28-29:

"Ntimutangazwe n'ibyo kuko igihe kizaza, ubwo abari mu bituro bose bazumva ijwi Rye bakavamo, abakoze ibyiza bakazukira ubugingo naho abakoze ibibi bakazukira gucirwaho

iteka."

Nyamara, tuzi twese ko, muri Yohana 5:28-29, ATARI IZAMURWA, kuko abapfiriye muri Kristo bonyine ari bo bazava mu bituro icyo gihe, kugira ngo babane n'Umugen'i ukiriho ku isi.

Abatesalonike 4:16-17:

"Kuko Umwami ubwe azaza amanutse ava mu Ijuru aranguruye ijwi rirenga, hamwe n'ijwi rya Marayika ukomeye n'impanda y'Imana nuko abapfiriye muri Kristo ni bo bazabanza kuzuka, maze natwe abazaba bakiriho basigaye duhere ko tujyananwe na bo, tuzamuwe mu bici gusanganira Umwami mu kirere. Nuko rero tuzabana n'Umwami iteka ryose."

Ariko havugwa muri Yohana 5:28-29 ko BOSE bazava mu bituro. Icyo gihe ni umuzuko usa n'uvugwa mu Byahishuwe 20:11-15, aho ABAPFUYE bazanwa imbere y'Umwami kandi bagacirwa imanza hakurikijwe ibyo bakoze, kandi aho ni ho abo amazina yabo ataboneka mu Gitabo cy'Ubugingo nyuma y'aho bajugunywa mu nyanja yaka umuriro.

Noneho, twisanze imbere y'ikibazo cyo kumenya impamvu bajyaga guhabwa ubugingo buhoraho mu gihe cy'urubanza, mu gihe Inzandiko zisa n'izigaragaza rwose ko ugomba kuba ufite Umwuka wa Kristo, cyangwa ukarimbuka. Uko biri kose, nta bwo dushobora kwanga kwizera amagambo ya Yesu, uhama neza ko, mu banditswe mu Gitabo cy'Ubugingo, harimo abazahabwa ubugingo buhoraho mbere, abandi bakabuhabwa nyuma y'umuzuko rusange. Pawulo ntaca iruhande uko kuri kuko avuga yeruye mu Bafilepi 3:11 ati:

"Ngo ahari ngere ku muzuko w'abapfuye."

Iyi nteruro iteye amatsiko cyane. Buri wese muri twe azi ko TWESSE tuzaboneka mu muzuko, twabishaka tutabishaka. Bose bazazuka. None, Pawulo ntiyashoboraga kuvuga ngo: "Ngo, AHARI, ngere ku muzuko w'abapfuye." Mu byukuri, nta bwo ari icyo avuga. Insobanuro uko yakabaye y'icyo avuga, ni: "Ngo, ahari, ngere ku muzuko wa mbere w'abazazuka mu bapfuye". Aha nta bwo ari ukugera ku muzuko rusange, umuzuko wa kabiri, ahubwo ngo agere ku muzuko wa mbere, ari wo uvuzweho: "Barahirwa kandi ni abera abafite umugabane w'umuzuko wa mbere. Urupfu rwa kabiri ntirubasha kugira icyo rutwara abameze batyo; ahubwo bazaba abatambyi b'Imana na Kristo, kandi bazimana na We igihe k'imyaka igihumbi."

Umuzuko wa mbere nta ho uhuriye n'urupfu rwa kabiri. Rubaho nyuma y'imyaka igihumbi, igihe ABASIGAYE BOSE mu bapfuye bazaba bazutse. Uwo munsi BAMWE bazinjira mu buggingo buhoraho, abandi na bo bajyanwe mu rupfu rwa kabiri. Nyamara, ntidukeneye gukekeranya ku byerekeye abazahabwa Ubugingo mu muzuko wa kabiri. Tubwirwa ko bazabuhabwa kubera ko bagiriye neza "Bene Data." Abazazukira kujugunywa mu nyanja yaka umuriro bizababaho kubera ko bazaba baragiriye nabi "Bene Data." Kubera ko ari Ijambo ry'Imana, rwose turabyemera. Nta kujya impaka, icyo dukora gusa ni ukumenyesha ibiraho.

Ku bwo na none gutanga umucyo kurushaho, mugenzure mwitonze amagambo yo muri Matayo 25:31-46 ntihavuga ko umwungeri nk'uko bivugwa arobanura intama mu ihene, ahubwo ko bizaba NK'UKO umushumba arobanura intama mu ihene. Nta bwo ari intama, icyo gihe cyateganijwe (igihe cy'urubanza ruzabera imbere y'Intebe y'Ubwami Yera). Intama ziba zibereye mu rwuri rwazo, zumvise ijwi Rye (Ijambo Rye) kandi zaramukurikiye. UBU ZIFITE UBUGINGO BUHORAH, KANDI NTIZISHOBORA KUNYURA MU RUBANZA. Ariko aba bo nta bwo bafite ubugingo buhoraho, kandi banyura mu rubanza. Bemererwa kwinjira mu buggingo buhoraho. Ariko, binjira mu buggingo buhoraho ari bantu ki? Nta gushidikanya, nta bwo ari uko ubu bafite ubugingo Bwe, nk'uko bimeze ku mugeni; ariko babuhabwa kubera ko babaye abagwaneza kuri bene Se. Bo nta bwo ari bene Se; kuko ibyo byatuma na bo baba abaranawa na Yesu. NTA CYO bo baragwa, uretse ubugingo. Nta bwo basangira intebe y'Ubwami, n'ibindi, na We. AMAZINA YABO AGOMBA KUBA YARI ARI MU GITABO CY'UBUGINGO, KANDI AKABA ATARAGIKUWEMO. Kandi noneho kubera urukundo rwabo bafitye urukundo bakundaga ubwoko bw'Imana, baramenywe kandi barakijije. Nta gushidikanya, bakoreye abana b'Imana kandi barabafashije. Birashoboka, nk'uko Nikodemus na Gamaliyeri, bagiye mu ruhande rw'abana bayo mu bihe bikomeye.

Niba ibyo byose bihabwa ibara ryo "kugarurwa ngo bahindurwe", mwitonde rwose kuko abagome batazagarurwa ngo bahindurwe, ahubwo bazajugunywa mu Nyanja yaka umuriro. Amazina ya bensi mu bazarimburwa na yo yahoze ari mu Gitabo cy'Ubugingo, ariko yarasibwe, kubera ko batubashye ubwoko bw'Imana, ari bwo bwari Ijambo rizima ryagaragajwe (inzandiko nzima) mu gihe cyabo.

Noneho, tuvuge tweruye rwose. Hano nta bwo ari amahanga yajyaga kuzacirwa urubanza kandi akinjira mu bwami bw'imyaka igihumbi ku bwo yakiriye Abayuda kandi akaba yarabafashije. Ibyo biragaragara, dushingiye ku magambo asoza iyi mirongo. "Kandi aba (ababi) bazajyanwa mu gihano k'iteka (inyanja yaka umuriro), ariko abakiranutsi banjyanwe mu buggingo buhoraho." Ntihavugwa imanza EBYIRI aho ababi bajugunywa mu Nyanja yaka umuriro. Inyamaswa n'umuhanuzi w'ibinyoma ni bo bonyine

bacirwa urubanza ku iherezo ry'umubabaro ukomeye. Oya, aha ni ibirebana n'urubanza ruzabera imbere y'Intebe y'Ubwami Yera, kandi bazacirwa urubanza hakurikijwe ibyanditswe mu bitabo.

Ni mu muzuko wa kabiri igihe " ubugingo bw'abantu buri munsi y'igicaniro", ari bwo buvugwa mu kimenyetso cya gatanu (Ibyahishuwe 6.9-11) bahabwa imyambaro yera, rwose birumvikana, n'ubugingo buhoraho -bitabaye ibyo imyambaro yera nta cyo yaba ivuze.

"Umwana w'intama amennye ikimenyetso cya gatanu, mbona munsi y'igicaniro imyuka y'abishwe bahowe Ijambo ry'Imana n'ubuhamya bahamyaga. Bavugana ijwi rirenga bat: "Ayii! Mwami wera w'ukuri uzageza he kudaca amateka no kudahora abari mu isi, uhore amaraso yacu?"

Umuntu wese muri bo ahabwa igishura kera, babwirwa kumara nk'ikindi gihe gito baruhuka, kugeza aho umubare w'imbara bagenzi babo na bene Se bagiye kwicwa nka bo uzuzurira.

Nimwitegerezze neza hano murasanga ko nta n'umwe mu bari bari munsi y'igicaniro utari warishwe azira guhamya Yesu. Nta bwo bari bameze nka Antipa, wari warishwe azira kuba yarakomeje Izina Rye. Aba ntibari barabyawe ubwa kabiri, kandi ntibari bafite ubugingo buhoraho. Bagaruka mu muzuko, bagahabwa ubugingo kubera ko bishingikirije ku Ijambo. Kandi na none nimurebe uko bataka basaba guhorerwa! Rwose nta gushidikanya ntibaremwe mu cyo umugen aremyemo. Umugen ahindura undi musaya maze akavuga ati: "Data, Ubabarire, ntibazi icyo bakora." Abo ni Abayuda. Byanze bikunze, kubera ko bari mu kimenyetso cya gatanu, kandi ni mu kimenyetso cya kane Umugen uzava mu mahanga agenda mu izamurwa. Ku bw'ibyo Abayuda ntibabyarwa n'Umwuka We. Ndetse ntibazibera ko Yesu ari Mesiya. Ariko, kubera ko bari barahumishijwe n'Imana ku bw'inyungu y'abanyamahanga, Imana yabahaye ubugingo buhoraho, kubera ko, nubwo batabashije kuza kuri We, uko biri kose babaye mu by'ukuri abizerwa ku byo bari bazi byose ku byerekeye Ijambo, kandi bapfuye barizira; ku bw'ibyo, Abisirayeli batabarika bapfuye ku bwa Hitler, Staline, n'abandi... kandi izongera ibizire.

Ni mu muzuko wa kabiri ni bwo abakobwa batanu b'abapfapfa bazagaragara. Mwitegerezze murebe bari abari. Ntibari bafite Umwuka Wera, ari byo bigaragaza ko batashoboraga kuba bari mu mugeni, mu gihe abakobwa batanu b'abanyabwenge, bari bafite amavuta, bahindutse ingingo z'ubo mugeni. Ariko abo bantu, kubera ko bo bari bari ku ruhande, kubera ko bakundaga Imana, ku buryo bageragezaga kugumya kuba abizerwa ku Ijambo bakagendera mu byo bari bazi byose kuri ryo, kandi bakaba baratanze umusanzu wabo mu murimo w'Umwami, bazongera bagaragare mu gihe k'iherezo. Ntibazabara bari mu Bwami bw'emyaka igihumbi, ari cyo, nk'uko mutangiye kubibona ku bw'uku kuri, igihe k'ingenzi cyane kandi gihebuje kuruta uko twabitekereza cyangwa tukabyibwira.

Abo bantu bose amazina yabo yari yaranditswe mu Gitabo cy'Ubugingo, kandi ayo mazina yabo yagumyemo. Ariko ni ayahemazina ataragumyemo? Ayasibwe, ni amazina y'abari mu mpuzamatorero ishingiye ku mikorere y'isi bakaba bararwanije umugen. Abo bazabura byose. Bazajugunywa mu Nyanja yaka umuriro.

Mbere yo gukomeza, reka tugaruke ku byo tumaze kubona kugeza ubu. Icyo mbere, tuzi twese tudashidikanya ko umugambi w'Imana ari umwe ukaba ushingiye ku gutoranya. Yari yaragize umugambi wa byo muri Yo ubwayo. Wari umugambi w'Imana wo guhagurutsa ubwoko busa na Yo, bwajyaga kuzaba Umugen-Jambo. Bwatoranirijwe MURI YO mbere yuko isi ishyirwaho urufatiro. Bwari buzwi kandi bukundwa mbere, ndetse mbere yo kugaragara ku isi mu bihe byose bw'ibisekuru. Bwacungujwe amaraso Ye, kandi ntibuzabasha na RIMWE kunyura mu rubanza. Nta bwo bubasha gucirwa urubanza kuko nta cyaha na kimwe kibasha kububarwaho.

Abaroma 4:8 :

"Hahirwa umuntu Uwiteka atazabaraho icyaha!"

Ahubwo buzaba buri kumwe na We ku ntebe y'urubanza, kugira ngo bucire isi urubanza ndetse n'Abamarayika. Izina rye (buri wese mu babugize) yanditswe mu ruhande rumwe rw'Igitabo cy'Ubugingo cy'Umwana w'Intama mbere yuko isi ishyirwaho urufatiro.

Hakaza igice cya kabiri, ahari ikindi gice. Amazina yabo na bo akaba yanditswe mu Gitabo cy'Ubugingo, kandi bakazagaragara mu muzuko wa kabiri. Abakobwa b'abapfapfa n'abakiranutsi, bavugwa muri Matayo 25, bari muri iki gice. Muri iki kiciro, dusangamo na none abanga kuramya inyamaswa, kandi batemera kujuanywa mu kintu k'imirorere ya Antikristo, ahubwo bagapfa bazira ukwizera kwabo, nubwo batari mu bagize umugen, kubera ko batabywae ubwa kabiri. Ariko bazagaragara mu muzuko wa kabiri, kandi bazinjira mu buggingo buhoraho.

Mu gice cya gatatu, hari Abakristo batabasha kwambuka ngo bagere mu gihugu, bisa neza n'ibyo twabonye mu Bisirayeli igihe bavaga muri Egiputa. Amazina yabo yari yaranditswe mu Gitabo cy'Ubugingo, n'imrimo yabo yari yaranditswe mu bitabo. Ariko kubera ko batumviye Imana kandi bakaba

batari bafite Umwuka, nubwo ibitangaza n'imirimo ikomeye bikaba byari biri hagati muri bo, amazina yabo azasibwa mu Gitabo cy'Ubugingo. Muri iri tsinda, hari hari, abameze nka Yuda, bari abanyedini, bari bafite ukwigaragaza mu mibereho yabo, nubwo rwose batari bafite burundu Umwuka Wera; rwose bari baranditswe mu bitabo, ntibari baratoranirijwe MURI WE. Abameze kimwe na Balamu na bo bazaba bari muri iryo tsinda. Igice cya kane ari na cyo cya nyuma, harimo abo amazina atigeze ma rimwe yandikwa mu bitabo, kandi ntazigera na rimwe biyabaho.

Abo tubasanga mu Byahishuwe 13:8 no mu Byahishuwe17: 8 :

"Kandi abari mu isi bose bazayiramya, abo amazina yabo atanditswe mu gitabo cy'ubugingo cy'Umwana w'intama watambwe uhereye ku kuremwa kw'isi."

Iyo nyamaswa ubonye yahozezo nyamara ntikiriho, kandi igiye kuzamuka ive ikuzimu ige kurimbuka. Abari mu isi amazina yabo atanditswe mu gitabo cy'ubugingo uhereye ku kuremwa kw'isi, bazatangara babonye iyo nyamaswa yahozezo ikaba itakiriho kandi ikazongera kubaho."

Yesu yavuze ko hari itsinda runaka ry'abantu ryajyaga kuzemera umuntu uje mu izina rye bwite. Uwo muntu, ni Antikristo. Rwose ni cyo abo bavugwaho neza neza mu Byahishuwe 13:8 na 17:8 Imana yari yarabateguye mbere - ariko atari ku bwo gutoranywa. Kandi muri iryo tsinda, harimo abameze nka Farawo. Ivuga kuri we iti:

"Naguhagurukije ku bw'umugambi"

Inzabya z'umujinya zaremewe kurimbuka."

Abaroma 9: 17 na 22.

Nta n'umwe muri bo ushobora kwandikwa mu bitabo by'ubugingo. Simvuze ko nta kintu na kimwe cyanditswe kuri bo. Nta gushidikanya, hari ikintu runaka cyanditswe kuri bo. Ariko NTA BWO ARI MU BITABO BY'UBUGINGO. Intego yo kubaho kwabo yavuzweho mu gice gisigaye k'icyo gitabo. Ariko dushobora na none kugaragaza ahantu habiri h'Ibyanditswe.

Imigani16:4:

"Uwiteka yategekeye umunyabyaha umunsi w'amakuba"

Yobu 21.30 :

"Yuko umunyabyaha abikiwe umunsi w'amakuba, kandi ko bajyanywe mu munsi w'uburakari."

[Bibiliya insobanuro ya Darby]

Bitewe n'uko ako gace k'Ijambo kagoye kugasobanukirwa ku bw'igitekerezo cy'umuntu, bidusaba kuryemera no kuryizera ku bwo kwizera. Bamwe bazasitazwa n'uko nabishyize ahagaragara, kuko basobanukirwa ukwigenga kw'Imana ari ko guhamya ko IMANA ARI IMANA, kandi kubera ko Yo ari Imana ntawushobora guhindura imigambi yayo cyangwa se ngo arogoye ubushake bwayo n'intego zayo; ahubwo ko Yo, kuba ishobora byose, iyobora BYOSE kandi igakora ibyo ishaka ku byo yaremye byose uko bingana, kuko byose byaremwe kugira ngo biyinezze. Na none Pawulo ni ko yavuze ati: "Niba mu mutwaro umwe w'ibumba, Imana ikuramo urwabya rwo gukora iby'icyubahiro n'urundi rwo gukoresha ibiteye isoni, ni nde ushobora kwigerezaho maze akayivuguruza?" Kuba gusa, ari ibiremwa byayo biyihia uburenganzira bwo gukora ibyo, ni ibintu bitagirwa impaka. Nyamara yarakomeje agera kure cyane, kuko dushingiye mu Baroma 14:7-9, dufite gihamya ntavuguruzwa cy'uko Yesu yishyuriye isi yose agaciro k'ikiguzi, rero ashobora gukora icyo ashatse ku bintu bye.

"Nta muntu muri twe uriho ku bwe cyangwa upfa ku bwe. Kuko niba turiho, turiho ku bw'Umwami; kandi niba dupfa, Dupfa ku bw'umwami. Twabaho cyangwa se tugapfa, turi ab'umwami."

Abaroma 14:7-9,

Kuko Kristo yapfuye kandi akazuka, kugira ngo abe UMWAMI W'ABAZIMA N'ABAPFUYE BOSE [muri Bibiliya y'icyongereza insobanuro yitiriwe umwami James]" (aha ni umutungo bwite, nta bwo ari isano.)

Ibintu nk'ibyo bivugwa muri Yohana 17:2 :

"N'uko wamuhaye ubutware KU BANTU BOSE, kugira ngo abo wamuhaye bose abahe ubugingo buhoraho."

Nyamara, niba twemera ko Imana imenya byose, na none tugomba kwemera ko mu bwenge itunganye no mu gukiranuka. Uwo muteguro wo gutoranya no kugira abo imana yateguriye kurimbuka ni ubwenge bw'Imana yahishuye mu bisekuru byose, ni yo mpamvu handitswe mu Befeso 1:3-11 hati:

"Imana y'Umwami wacu Yesu Kristo, ari yo na se ishimwe, kuko yaduhereye muri Kristo imigisha yose y'umwuka yo mu Ijuru

nk'uko yadutoranje muri we isi itararemwa, kugira ngo tube abera tutariho umugayo imbere yayo

kuko yagambiriye kera ku bw'urukundo rwayo ko duhinduka abana bayo, tubiheshejwe na Yesu Kristo ku bw'ineza y'ubushake bwayo.

Kugira ngo Ubuntu bwayo butagira akagero bushimwe, ubwo yaduhereye mu Mukunzi wayo.

Ni we waduhesheje gucungurwa ku bw'amaraso ye, ariko kubabarirwa ibicumuro byacu nk'uko ubutunzi bw'ubuntu bwayo buri.

Ubwo yadushangirijeho bukatubera ubwenge bwose no kumenya,

itumenyesheje ubwiru bw'ibyo ishaka ku bw'ineza y'ubushake bwayo, ari byo yagambiriye kera

kugira ngo ibihe nibisohora ibone uko iteraniriza ibintu byose muri Kristo, ari ibiri mu Ijuru cyangwa ibiri mu isi.

Ku bw'uwo natwe twarazwe umurage tubitoranjwe kera nk'uko Imana yabigambiriye, ikora byose nk'uko ibishaka mu mutima wayo.

Niba rero Imana yarateguye ko haboneka abantu amazina yabo azandikwa mu gice k'igitabo cy'Ubugingo cy'Umwana w'Intama, kandi ayo mazina akaba adashobora gusibwa, kuko ari amazina y'abagize umugen we, icyo gihe, tugomba kubyemera.

Niba na none bivugwa ko hari abandi mazina yabo yanditswe mu Gitabo cy'Ubugingo, ariko ugasanga ko, bishingiye ku kumenya kw'Imana kuri mu muteguro wayo uhoreye mbere yo gushyirwaho kw'imfatiro z'isi, bajyaga kuzagwa kandi amazina yabo akaba yarajyaga kuzasibwa, tugomba kubyemera. Kandi niba hari abandi amazina yabo atigeze na rimwe yandikwa mu Gitabo cy'Ubugingo, icyo gihe, tugomba na none kwemera ibyo.

Kandi niba hari abandi na none bo, bakazinjira mu bugingo buhoraho nyuma y'urubanza ruzabera imbere y'Intebe y'Ubwami Yera, ku bw'impamvu imwe yuko babaye abagwaneza n'abakiranutsi ku ntore z'Imana, ari bo bene Se, igihe cyose nta kindi tubasha gukora usibye kwemera ibyo. KUKO NI NDE UMENYA IGITEKEREZO CY'UMWAMI, KUGIRA NGO ABASHE KUMWIGISHA? Ahubwo duce bugufi ku bwo kwizera twumvire uwo utubereye Data, kandi tuzabaho.

Kugira ngo dusobanukirwe neza na none iyi ngingo, byajyaga kuba byiza dusuzumye dushingiye ku Itorero turebye mu gihe k'ibisekuru. Kugeza ubu, twavuze ku bantu abo amazina yabo yajyaga kuzasibwa. Noneho ntitwongera gufata abantu, ahubwo turareba amatsinda agaragara mu Itorero. Kugira ngo ibyo bishoboke, dufate Itorero kimwe, mu bisekuru byose, twifashishije umumere w'ingano. Urubuto rw'ingano ruhingwa kugira ngo urwo rubuto rumwe ruzere kandi ruvemo nyinshi nyuma y'igihe gito runaka cyo gukura, igomba kumara ige runaka. Urwo rubuto rumwe ruzapfa, ariko mu gupfa kwarwo, ubuzima bwari muri rwo buzazamuka bujye mu mumere uwo, na wo, uzaba ari uruti rw'inganagano cyangwa umuyoboro w'ubwo buzima, buzongera na none bugahinduka ishusho bwahoranye y'umwimerere, bukagwira bunyuze mu mbuto nyinshi, Yesu—Imbuto ikomeye y'Ubwami —rapfa. Udafite icyo wamugereranya na cyo, ari we bugingo bw'Itorero, ahagaze hagati mu Itorero mu gihe cyose k'ibisekuru birindwi by'itorero, aha ubugingo Bwe iyo Torero (ari ryo moyoboro cyangwa uruti shingiro) kugira ngo ku iherezo, ubugingo Bwe bwite buzongere bugaragarire mu mibiri isa n'uwe, mu gihe cy'umuzuko. Mu gihe cy'umuzuko ni bwo Imbuto y'Ubwami izabona imbuto nyinshi z'ubwami zisa na Yo, kandi zizaba zimeze kimwe na Yo. Kuko Yohana avuga ati: "Tuzasa na We". Kuri ibyo ni ho Yohana Umubatiza yavugaga aca amarenga ko Yesu yajyaga kuzahunika ingano mu kigega. Yavugaga ibyerekeye umuzuko abacunguwe bajyaga kuzinjiramo, abari baratoranjwe ubugingo buhoraho.

Nyamara, igitabo cyandikwamo, ku byerekeye uwo mumere w'ingano umugambi wayo ari uwo kuzongera ukera imbuto y'umwimerere ifite izo isa na zo nyinshi, ni IGITABO CY'UBUGINGO. Ndasubiramo nti: "Amateka, cyangwa igitabo cy'ubo mumere w'ingano, ni Igitabo cy'Ubugingo, kandi igice kimwe k'icyo Gitabo cy'Ubugingo ni IGITABO CY'UBUGINGO BUHORAH (uruhande rumwe rw'icyo Gitabo cy'Ubugingo). Tuzarushaho kubyemera neza nitugenzura ikimera k'ingano. Babiba urubuto rwavuye mu gishishwa. Bidatnze hakagaragara umumere. Ariko uba utaraba ingano. Hanyuma, hagakurikiraho uruti

rw'inganagano. Ariko na none ruba rutaraba ingano. Ubuzima buba burimo, ariko atari ingano. Hanyuma ku iherezo ry'uruti rw'inganagano hakagaragara izingiro rito ahafundika ihundo. Rwose kiba ari ikimera k'ingano. Ariko kitaragira ingano. Icyo gihe, ikimera kibangurirwa n'agafu k'intanga ngabo, nuko igishishwa kikera imbuto y'ingano kigatangira gukura. Mu by'ukuri kiba kigaragara nkaho ari ingano, ariko imbuto iba itarazamo. Hanyuma, imbuto y'ingano igatangira kwirema muri icyo gishishwa. Icyo gihe ni bwo ihinduka ikongera ikagira ishusho yayo y'umwimerere. Igihe ingano yeze, irasarurwa.

Yesu Kristo yarapfuye. Yatanze ubugingo Bwe. Ubwo bugingo bwagombaga kugaruka mu Itorero, no kuriyobora mu bwiza, binyuze mu muzuko w'umubare munini w'abana basa na We. Ariko, nk'uko impeke y'ingano yagombaga kugira igice cy'umuyoboro w'ubuzima kugira ngo ibashe kwera impeke nyinshi z'ingano, na none byari ngomwa ko habaho Itorero riba umuyoboro utwara ubugingo bwa Kristo. Nk'uko umumere, uruti rw'inganagano, umutwe w'ihundo n'igishishwa kirera impeke bigize umumaro wo kugira ngo imbuto ibashe kuboneka, ariko NTA BWO ubwabyo byari imbuto, ku bw'ibyo umubiri w'Itorero mu gihe k'ibisekuru wabaye aho kugira ngo utware IMBUTO nyakuri, nubwo ubwawo atari wo wari Imbuto. Ni yo mpamvu dushobora kuvuga ko Igitabo cy'Ubugingo kigaragaza IKIMERA K' INGANO mu MWUZURO wacyo.

Mureke turebe ibyo byose. Iyi ni yo mbuto y'umwimerere yatewe. Yagize umumere. Nta bwo yari imbuto. Yagize uruti rw'inganagano. Na rwo nta bwo rwari yo. Haza igishishwa, aho impeke y'ingano igomba kuremerwa. Na none si yo mbuto. Umutwe w'ihundo uragaragara. MAZE, AGAFU K'INTANGA NGABO KAGWA KU GICE K'INTANGA NGORE. IGICE KIMWE K'IKIMERA CYAKIRA UBUZIMA. IKINTU RUNAKA K'IO MBUTO CY'UMWIMERERE KANDI CYAZAMUTSE KINYURIYE MU GICE GISIGAYE K'IKIMERA GHINDUKA IMBUTO. Kubera iki ikimera cyose uko cyakabaye kitahindutse imbuto? Ni ukubera ko cyaremwe ku bw'ijo ntego. Igice kimwe cyonyine ni cyo kibasha guhinduka imbuto, kubera ko igice kimwe gusa K'IKIMERA K'INGANO NI YO NGANO IFITE UBUGINGO BUHORAHO.

Ugusohoka muri Egiputa kw'ubwo bwoko bwa Isirayeli ni igishushanyo cyuzuye k'ibyo. Basohotse bagera hafi kuri miliyoni ebyiri. BOSE bakijijwe ku bw'amaraso y'igitambo. BOSE babatirijwe mu Nyanja Itukura. BOSE bambutse amazi, bahabwa ukwigaragaza n'imigisha by'Umwuka Wera. BOSE bariye ibyo kurya by'Abamarayika. BOSE banyoye ku gitare cyabakurikiraga. Nyamara, bose, uretse bake cyane, icyo bari cyo gusa bari abantu bafite umugabane wagombaga, kuzahabwa abana babo, bagombaga kuzabakurikira kandi bakinjira mu gihugu k'i Kanani. Isirayeli yose SI KO ari Isirayeli. Kandi bose, uretse gusa umubare muke cyane, babonye amazina yabo yarasibwe mu Gitabo cy'Ubugingo.

Ni ko bimeze neza neza na none uyu munsi mu Itorero. Amazina azasibwa mu Gitabo cy'Ubugingo. Nta zina na rimwe rizasibwa mu Gitabo cy'Ubugingo Buhoraho, kuko iki ngiki ari ikindi gitabo, nubwo kiri mu Gitabo cy'Ubugingo. DORE ICYO GITABO GHAMYA: IMANA YADUHAYE UBUGINGO BUHORAHO, KANDI UBWO BUGINGO BURI MU MWANA WAYO. UFITE UWO MWANA ABA AFITE UBUGINGO (BUHORAHO), KANDI UDAFITE UMWANA NTA BUGINGO (BUHORAHO) AFITE. Kandi abafite ubwo bugingo bahoze muri We mbere yuko isi ishyirwaho urufatiro. BATORANIRIJWE MURI WE MBERE Y'UKO ISI ISHYIRWAHO URUFATIRO. IMBUTO IKOMEYE Y'UBWAMI, Yesu Kristo, yaratewe (Arapfa) kandi ubwo bugingo bwari buri muri We bwarazamutse bunyuriye mu ruti rw'ikimera k'ingano, maze bwera impeke zitabarika z'ingano, zifite ubugingo bumwe muri zo, kandi bumeze nk'ubw'Umwimerere, kuko, ku bw'Umwuka, ni iz' umwimerere.

Ubu dushobora kubona impamvu umugen (yari muri We nk'uko Eva yari ari muri Adamu) yacunguwe, (yacunguwe n'uwo abereye ubutunzi nyirizina) ntashobora kubona amazina y'ingingo Ze asibwa mu gitabo. We ni agace Ke. Ari ku ntebe y'Ubwami, Ntibishoboka ko yacirwa urubanza. Buri rugingo rw'umugen ni rumwe mu ngingo Ze, kandi ntazabura na rumwe.

Ariko nta bwo ari ko bimeze kuri "abo bose" bavugwa ku byerekeye Igitabo cy'Ubugingo. Muri bo, hari abameze nka Yuda, ni ukuvuga, abagize umwanya mu gitabo, ariko amazina yabo akaba yarasibwe. Abo rwose dushobora kubabona baza mu minsi ya nyuma; bazaba barakoze imrimo itangaje, nyamara Yesu azababwira ko atigeze kubamenya. Nta bwo ari uko yaba atazi ukubaho kwabo. Bakuwemo, kuko Yo imenya byose; ariko bo ntibari bazwi uhereye mbere nk'uko bimeze ku mugeni, kandi na none bizwi nk'uko bimeze mu bakiranutsi bo mu muzuko wa kabiri. Nta bwo beraga imbuto (kubera ko bari bari hanze y'Ijambo— ntibarituragamo) kandi, ku bw'ibyo, baciriwe urwo gupfa. Na none, nk'uko twabibonye mbere, hari abandi bagiye ku ruhande rw'umugen, baje kumufasha kandi baramukomeje. Amazina yabo yagumye mu Gitabo cy'Ubugingo, kandi bazinjira mu bugingo buhoraho. Hanyuma, hari abandi, bameze nka Farawo, batigeze na rimwe bandikwa mu Gitabo cy'Ubugingo. Abo na bo bazajugunywa mu nyanja yaka umuriro.

Ku bw'ibyo urubuto rw'ingano rwahindutse ikimera kigenewe isarurura ruhamya iby'igitabo cyanditswemo Itorero. Kandi, nk'uko atari igice k'ikimera k'ngano cyose gikoreshwa nk'umusaruro, ni na ko bimeze ku Itorero: Itotero ryose si ko ari umugen, kandi ryose ntirihabwa ubugingo buhoraho; ariko IGICE kimwe cyaryo giteranirizwa hamwe mu kigega, IGICE kimwe cyaryo cyagenewe kwinjira mu bugingo buhoraho mu muzuko wa kabiri, ikindi GICE cyaryo, gicirwa urubanza nk'urukungu, kizatwikwa mu itanura ry'umuriro.

Rwose ni cyo Yohana Umubatiza avuga na Yesu. Ku bw'ibyo, Yohana yavuze ko imbuto yajyaga

guhunikwa mu kigega kandi ko umurama wajyaga gutwikwa. Yesu yaravuze ati: "Muhambire urukungu, hanyuma muhunike ingano." Urufatanye rw'amadini ruzahambirira hamwe amatorero-y'urukungu, kuko urukungu rugomba KUBANZA guhambirwa, kandi nubwo rugomba kujugunywa mu muriro, ntirutwikwa mu gihe ruhambirwa, ahubwo rubikirwa gutwikwa nyuma y'aho, ku iherezo ry'imyaka igihumbi, mu muzuko wa kabiri. Ariko igithe urukungu ruhambiriwe, icyo gihe izamurwa rishobora kubaho; iringo rizabaho hagati y'igithe ruboshoye no guhishurwa kwa Antikristo.

Icyo gihe hazabaho umunsi igithe BOSE bazaba bateraniye hamwe aho, nk'uko twabibonye muri Daniyeli. Umwami azaba ari aho ari kumwe n'umugen We: imbere yabo hazahagarara umubare utabarika w'abagomba konyura mu rubanza. Ni byo, BOSE bari aho. Ibitabo byose bikabumburwa. Ikemezo cya nyuma kigafatirwa BURI WESE. Isarura rikaba rirangie. Ibitabo byari byabumbuwe ubu birafunzwe.

Noneho ubu ngiye gusoza iyi ngingo, ngaruke ku kintu navuze ngitangira: ko nta gice na kimwe cyo mu Byanditswe kivuga ko Umwami ARIMO gukora urutonde rw'amazina. Rwose ibyo ni ko biri. Nyamara, hari igice k'Ibyanditswe kivuga ibyerekeye ukwandikwa mu gitabo kuzabaho mu gihe kizaza. Ni Zaburi ya 87. Iyo Zaburi ivuga ibyerekeye Uwhiteka wandika amazina y'abavukiye muri Siyon bose. Nta buryo na bumwe ushobora kuvuga ko Imana yajyaga gutegereza iherezo ry'ibisekuru cyangwa icyo gihe kivuga ibya Siyon kugira ngo imenye uzavukira muri Siyon. Byaba na none ari ugukuraho burundu ukumenya byose kwayo. Nta gushidikanya ko izi abari muri uwo mubare bose. Ariko noneho, ibyo bimeze bite? Si igitabo cyongera kikandikwa, urutonde rushya aho Imana yandika amazina yasigaye nyuma y'umuzuko wa kabiri, ab'i Siyon? Rwose ibyo ni ko biri.

"Kandi nzahamiriza izina rye imbere ya Data n'Abamarayika be". Ni umuhamagaro ukomeye mu Ijuru! "Umuntu napfa azongera abeho? Naba nihanganiye iminsi y'intambara yange yose, ntegereje igithe cyange cyo kurekurwa. Wampamagara nakwitaba, washatse kubona umurimo w'amaboko yawe." [Bibiliya insobanuro ya Darby]

Umwungeri mukuru arahamagara intama ze mu mazina yazo. Ijwi rirema ry'Imana rirabazura bava mu mukungugu, cyangwa na none, niba batarasinziye, rigahindura imibiri yabo kugera ku turemangingo fatizo duto kurusha izindi tw'ubuzima. Ni izamurwa. Ni Ifunguro rihebuje ry'Ubukwe bw'Umwana w'Intama n'Umugen We.

Ariko izamurwa si wo muhamagaro wonyine. Mu muzuko wa kabiri, mu rubanza ruzabera imbere y'Intebe y'imanza ikomeye Yera, amazina azahamirizwa imbere ya Data n'Abamarayika Be.

Nyamara, abantu bazi ibintu nk'ibyo bambwiye ko ijwi rinejeje kuruta ayandi umuntu yabasha kumva ari iry'izina rye bwite. Uburyo abantu bakunda kumva izina ryabo rivugirwa mu ruhame. Uburyo bakunda gushimwa bagakomerwa amashyi. Ariko nta jwi na rimwe rya hano ku isi rizigera na rimwe rivuga izina ryanyu ku buryo bunejeje na none nk'igithe Imana izarivuga, niba izina ryanyu riri mu Gitabo cy'Ubugingo, kandi rikagumamo kugira ngo rizahishurwe imbere y'Abamarayika bera. Mbega uburyo uwo munsi uzaba mwiza igithe tuzumva Yesu avuze ati: "Data, bahamirije izina ryange imbere y'abantu mu minsi y'ubusuhuke bwabo ku isi. Ubu ngiye guhamiriza amazina yabo imbere yaye n'imbere y'Abamarayika bose bo mu Ijuru."

"Ufite ugutwi niyumve ibyo Umwuka abwira amatorero."

Indi nshuro na none, Umwuka yaravuze. Indi nshuro na none, twagenzuye ibyagaragajwe ku byo Umwuka abwira ikindi gisekuru. Twabonye ibyabayeho byagaragajwe uko byakabaye neza neza. Ikindi gisekuru cyaratambutse, kandi byose byarasohoye neza neza nk'uko Yari yarabivuze mbere. Mbega ughumurizwa kuri twe abiringira kuzaboneka mu mugeni w'umunsi wa nyuma, ku bw'ibyo, imitima yacu isazwe n'umunezero kuko tuzi ko Yo ari iyo kwizerwa kandi Izasohoza buri rimwe mu masezerano yayo. Niba yarabaye inyakuri kandi ikaba iyo kwizerwa ku gisekuru cya Sarudi, icyo gihe ni na ko Imeze ku gisekuru cyacu. Niba ari ku bw'ubuntu n'imbaraga yayo bazakirwa kandi bemerwe na Yo, natwe ni ko bizagenda. Dukomeze urugendo tugere ku gutunganywa, kandi tuzazamurwa mu kirere gusanganira Umwami kandi tuzabana na We ubuziraherezo.

